


石  
遺  
詩  
寶  
詩  
集

154839



71117  
S7521

3

3



石遺室  
詩  
孝月



于己  
武己  
昌刊

余作詩三十年所剩止此所詣亦止此乃分爲三卷刻之  
第一卷凡八年多閒居及遊覽之作第二卷凡十有三年  
多行旅之作有歌勞之思焉第三卷凡八年有悲傷之作  
詩與人亦俱老矣此後或三四年或五六年七八年以至  
長辭人世當更得一卷之詩爲第四卷其詩境未知何如  
然得自放於山顛水涯則幼時之流連景光覽玩物華意  
中有欲言而未能言者將如獲故物如履舊遊焉不亦旣  
全其天矣乎乙巳十一月陳衍石遺自敘於武昌寓廬

石遺室詩集卷第一

侯官陳衍

丁丑

詠史三十八首

東坡訾東遷謂是鬻田宅豈知春秋義無出隨所適天子  
家天下莫敢爲主客國君死社稷五侯與九伯周惟依晉  
鄭雖弱祀八百西晉惟不遷懷愍乃被獲北宋惟不遷徽  
欽乃當扈寇準已孤注李綱直無策  
子由論六國咎其不合縱凡事合則難道謀無成功弟兄  
常鬪牆百忍空彌縫割席華與管鄴下本一龍六家各要  
指孔老甯同同三晉楚燕齊安得長相從

二人誠同心其利可斷金同心之難言管鮑差知音孔子  
疑顏回母也疑曾參孫劉好不終耳餘讎方尋南宋遼金  
元唇齒日相侵其不合蘇氏事合眼錄後有無如也  
漢高逐秦鹿百折志不磨豈徒王入關帶山而礪河義帝  
苟不死豎子將奈何假手爲驅除項王功實多復與討賊  
名俾之揮天戈王容國錄後有無如也  
入關定三章約法非闕疏臯陶雖復起定當歎不如此外  
本無罪苛密何爲歟冤氣積爲戾刀兵遂紛拏

劉季語呂雉安劉者惟勃不危更何安此語太突兀呂若  
疑而詰季語塞倉卒呂若疑而防勃也早被挫他年入北  
軍左袒恐顛蹶一言可喪邦季乎何疏忽異哉蘇明允贊

歎乃咄咄

辟疆黨呂雉其時年未冠爲呂圖兵柄炎火幾中斷陳平  
好奇計周勃能安漢共爭后前時自負能定亂交驩分內  
事乃煩陸生贊

漢高畏呂后本無易儲志無以謝戚姬留侯窺其意四皓  
乃贗鼎優孟有故智鬚眉皓白人何處不可致

方朔對天子太平當何如周邵爲丞相孔某爲大夫臯陶  
爲大理以契爲鴻臚益爲右扶風子路執金吾其餘百執  
司勝任快而愉吾爲轉一語張皇事補苴不如蚩蚩氓自  
擊壤歌衢

孟德挾天子未足令諸侯終爲周文王坐擁此綴旒區區



加九錫謙讓勞偃僕文若操心腹忽欲沮其謀不見漢中  
王舉動得自由欲王則真王讓再讓三不

石勒爾何知操與懿並稱仲達自狐媚孟德亦何曾無孤  
幾帝王礪落方自矜

末造多孤寡勝國獨不然世世濟其惡癸辛三百年譬如  
病狂熱至死氣殷闐積毒爲張李塗炭還顛連

昭烈謂孔明不可輔自取雖云禪不才知子莫若父然非  
中懷疑何必出此語可憐魚水情猶未洞肺腑何怪紀年  
說伊益無死所

劉表鎮荊州名流趨下風孔明故人子退耕在隆中表也  
不聞知留以資梟雄由來好名人聲價空隆隆

襄陽龐德公未嘗入城府劉表往候之壘上商出處何以  
遺子孫不官太白苦龐公夷然對所遺各有取安者遺磐  
石危者遺罪罟以表據荊州所遺頗臚臚自生犬豚兒身  
死遽易主不知針砭言歎息空爾許

江夏昔會葬來者數千人中有申屠蟠無人與相親南郡  
有一生酬對獨殷勤臨別執蟠手徵聘行及君相見於上  
京遇合慶風雲蟠勃然作色謂子可與言豈意徇利祿所  
憂在賤貧拂衣不之顧鴻鵠志不羣所以黨錮禍蟠獨全  
其身

丈夫志四海安事此一室古人喜大言未必皆情實史稱  
諸葛公爐竈見經術又言陶桓公運甕無虛日竹頭與木

屑檢點及織悉又言謝太傅履屐位不失可知天下才鉅  
細事秩秩經云居家理豈以徒抱膝

文姬蹇數夫名節無可說一朝救董祀徒跣膚如雪曹瞞  
方盛會坐聽語悽咽作難見威福頓首何悲切從容顧之  
言爾父書在鐫會當遣十吏就寫備披閱文姬凜然對男  
女禮有別授受不可親自繕願所竊不知毋放飯而問無  
齒決

嵇康死非罪無異於王儀哀也攀柏號哀哀蓼莪詩紹豈  
生空桑秘書苟爾爲山公方啓事薄言亦辭之人事有消  
息濤爲譬四時是其未應命恐不合時宜得濤一覽譬欣  
然遂不疑利祿之所在戴天非所知雖有蕩陰死私益事

讎譏

蘇本非極死禹興豈事讎鮑宣楊賜傳四罪放則侔宋祖  
曾感歎古網漏吞舟信書甯無書丹朱乃驩兜温公論此  
事流弊吾所憂

山濤昔薦康康與絕交書寓意薄湯武礪落一丈夫當其  
臨刑日身命盡須臾乃顧謂其子濤在汝不孤可憐舐犢  
念志士空欷歔

淵明非寒峻士行之曾孫時復識要人贈答篇具存偶然  
欲弦歌彭澤檄到門有田種粳秫有廬復有園本不當折  
腰不折何足論叩門乞食去遊戲爲此言

石勒有張賓苻堅有王猛賴以圖中原大志畧已逞彼蒼

奪之速降年俱不永張吳爾何物亦自助邊警可憐功名  
士百念不灰冷北胡而南越何處不引領

父爲九州伯子爲五湖長癡兒不自量慨歎寄俯仰發聲  
豈加疾已藉登高響

黑子昔得罪高允欲救之語以當首實見原庶可期黑子  
不能用被殺坐罔欺崔浩後遇禍允同蹈於危太子教之  
辯堅持不易辭劉因論此事責備無已時所謂首實者乃  
爲徼倖資徒恐負黑子於義亦已私豎儒不近情苟論空  
爾爲罪如有可原鼎鑊甯如飴指導一生路同寮理亦宜  
教人以首實己身乃實違所以奮不願苟免非所知  
顏氏有家訓齒弊舌則存茶然不勝衣舉止戒軒軒雖本

佩韋意矯枉非名言曹蜎與李志請君從九原

昔者唐太宗慨然論漢書浮華載何用上林及子虛大哉  
王言乎綸綍所不如晉書題御製大放瓊與琚陸機王羲  
之二傳獨何歟

太宗本好名有意愛逆耳魏徵窺見之遂以諫相市納諫  
名與君敢諫名與己外觀固面折其實乃希旨陛下拒不  
受何敢屢爾爾

中宗之昏庸罪等於昌邑廢暗廬陵去擇賢相王立誰釀  
桑條禍終賴臨淄入俾之見天日陷阱嗟何及  
金輪終婦人一念欲立姪其事雖未成千古貽口實倘立  
皇太女秘謀早造膝震異竟易位事變未遽畢區區立廟

言轉圜未可必

開門節度使開門作天子後儒論藩鎮禍自唐代始州牧漢已然封建本如此晉廢州郡兵釋柄宋稱美五胡遼金元交侵未有已吁嗟小雅廢誰復悟此旨

小雅實云何不在涕咨齋出車復六月采芑且采薇藩鎮所有事多難禦四夷變雅更變風戎狄兼荆尸漢陽姬實盡邢衛紛載馳不有桓與文左衽孔久悲王室雖凌遲守府尙在茲

浯溪中興頌未嘗有微詞何謂痛至骨山谷妄刺譏監國誰與守撫軍孰與隨本非太子事萬旗與千麾大物不趣取豪俊誰肯歸

孤寒望匡州下淚云八百丁稜姚鵠輩盧肇亦獎借頗聞  
太牢公街子邏日夕路逢劉夢得塗竄話曩昔依然盡歡  
散投贈賦卽席不信牛李黨贊皇獨嘖嘖  
靖安有相公深念坐黃閣忽來杜京尹借箸籌要着大戎  
非科第怏怏常作惡若令一知舉何止得仙樂其次則亞  
相試訪此寂寞果然致感激驚喜雙淚落諒無清涼散內  
熱不可藥

點檢作天子陰謀由太宗兄終不弟及周公甯居東趙普  
與知之相喻無言中惜哉舍與夷不使就侯封一念稍顧  
戀遂以戕厥躬

垢面王介甫聲色非留情未遑遠佞人惟求放鄭聲豈知



令公怒乃有呂惠卿

中原錦繡壤東南尤宴安仲謀且畫江錢鏐亦閉關元魏  
既積弱文物甯救患金亮不北歸雅志慕湖山我讀南遷  
錄語意何悲酸悽悽金水河黯黯幽蘭軒南強與北勝大  
小難共論

戊寅

春日題冲兄治亭書齋二首

廢池春水生倒影屏山背吾兄閉門地文章假大塊登亭  
已夕陽酒面似桃醕桃紅李復縞晝炫夜不晦枇杷雖未  
金黃花散寒菜對此惜流光華年去難再  
南豐宦遊地水木愛瀟灑雖無名士軒臨水緬歐冶此池

非明湖此亭非歷下鵲華在何許烏石極秀雅一篇道山  
記文字幾傳寫僻陋本在夷賴有登探者

春暮登冶亭

舍北舍南白鷺羣桃花萬片赤魚鱗釣徒何必煙波遠淺  
渚撈蝦卽富春

復題冶亭二首

孔明八百桑淵明五十畝庾郎二十七鮭菜惟有韭吾生  
眷菰蘆菰蘆亦何有不須買陂塘卽此落吾手有蒲應有  
魚有竹或有颺繞塘生青草得句夢中否先生肯窺園弟  
子當載酒醉上聽蛙亭獨立忽已久

園丁不畏勞僂僕覆其背往來屢抱甕頗有忘機態麥黃

瓜蔓水撈取萍滿載借問此何爲言餉魚倉內一擔數十  
錢亦復同賣菜

已卯

秋日寄懷伯初家兄時兄新悼亡

聞道官齋好西軒花木幽其如有棖觸泣露感牽牛

秋早視蘭生

一夕西風作意寒袷衣重疊不勝單芙蓉紅白天初曉鬼  
鬪青蒼露未乾如此秋光拋可惜誰能早起與同看吳江  
動我扁舟興葉葉霜楓想正丹

九月初七日同人集塔江金山寺

面面江光碧且漣抽帆絕好納涼天此閒置我應三日獨

樹於人長百年勝地布金方丈小住名浮玉覆杯圓衣裳  
山水清暉裏坐到忘歸憺可憐

文亭晚望

靴紋曲曲縠紋生岸上人家竹篠晴稍喜籬籵風不滯隔  
邱人語共雞聲

大雨泊下壩

凍雨打篷聲愈繁孤篷冒雨波欲翻天色陡爲山雨昏維  
舟斷港水所吞後者麇至前者奔菰蔣寒響打水村一星  
燈火楓樹根飽飯菰米腹可捫羌無兼味充盤殮漁兄漁  
弟來叩門買魚下酒價已論榜人忽忽空酒尊須臾雨小  
如雪喧臥聽一夜流潺湲

曉發下壩

大雨不止仍傾盆榜人解纜楓樹根兩山急溜紛縻綆松  
毛落厚黃泥屯行人絕跡高下原長亭短亭列遠村十十  
五五茅之墩就中縛屋似籠樊高者卻立低者蹲旁有雜  
樹無不髡障泥作壩泥水渾長繩牽船難爲掀水牛大力  
舉軒軒騎牛齊驅如援猿涉波鞭箠如笞豚踰溝頃刻聲  
騰喧浪花倒拍船頭噴

十一夜宿撫署西軒呈伯兄二首

會宿官齋獨不眠  
蓼蓼衙鼓四更天  
晤初拉雜言無緒  
醉後欹斜坐未便  
古驛西陵山下夢

昨晚宿西興

對牀東閣竹邊

煙江城寂寞吳娘曲  
暮雨瀟瀟已可憐

真箇山公醉似泥，困呼不起紙窗西。家山有路應歸夢，行  
卷重披忘舊題。陌上怕歌花緩緩，池塘久歇草萋萋。射堂  
待得明朝出，霜葉丹楓極望迷。

吳山晚眺

木落山氣蒼，葉乾人步響。斜陽滿山徑，在地人影長。凭樓  
俯襟帶，左右瞭指掌。晴湖青濛濛，澄江白晃晃。煙開塔旋  
螺，風平帆張鳶。市廛背填咽，頗脫局促想。當年有美堂，賓  
佐此吟賞。東南第一州，休沐挹朝爽。邇來馬曹輩，手版持  
倒仰。人事有古今，登臨感吾黨。

望西興

羣山蔥鬱氣，佳哉鐘鼓西。興首重回昨日顛，風當斷渡卻

隨飛雨過江來

同人泛湖至孤山

日落山蕭條人過葉破碎登頓已百步尙未良其背疾行  
望裏湖小艇已湖內空亭弄寒碧水色獨微晦淡濃晴雨  
外更有此殊態

裏湖何吐吞裏山若迴護空谷答人語不識何以故疾徐  
與高下一一了弗誤小坐山靄沈歸鳥不返顧尙過處士  
橋一拜處士墓

君詩梅花開君墓梅下展薛牆湖光上苔徑塵色鮮梅花  
殊未發思發不能遣至今石上根肯媚雨餘蘚想於月昏  
黃老子興不淺詩魂不用招香影滅沒踐小立骨已涼欲

往情愈緬昔人評君詩籬落水邊善祗恐持問君無眼煩

言辨

游飛來峯冷泉亭至靈隱寺

泉自幾時冷起峯從何處飛來亭中聯語

倚健不覺遠遂至靈鷲峯峯飛來何處泉冷亦何從冷泉

上有亭其右名春淙兩亭合流處迴抱峯數重看峯坐空

亭木落見冬容坦步入高寺黃葉何蓬鬆歸然羅漢堂碧

殿響秋蛩矯想十年事劫火經熊龍象踏以寂猿鳥悲

無悰淮海久不作客兒杳行蹤長吟太白詩愁倚兩三松

上韜光同畢助閣

抖擻衣裳最上層山樓樹杪見孤稜百泉亂響雨無數萬

竹自涼風未曾與汝激流來掬水累人捫葛與攀籐山光



滿眼容高挹笑爾關門掃塔僧

海日江潮有舊蹤歸樵來徑問中峯羌無笠子日卓午恰  
送飯鐘風丁冬著我不多寒翠竹引人孤往兩三松山門  
小憩供茶話報道斜陽已下春

下韜光絕句

啼鳥怨殘白太傅馬蹄尋徧翠微亭祇應青士當藜杖那  
有蒼官作畫屏

冷泉亭下作

冷泉亭下路去去獨哦詩二漢寺前合孤杉道上危夜涼  
山吐月坐定水深池不信投金瀨日斜歸算遲

放舟裏湖循錦帶橋歸

衰柳枯荷盡蕭寥此帆風橋門圓岸底塔影折波中水鳥  
分途去山鐘薄暮雄歸僧赴暝色滿載亦怱怱

泛湖雜詩

一味淡粧西子容出奇著色是雷峯不須夕照添渲染已  
覺黃妃抹最濃

湖心亭是廣寒宮月湧樓臺入太空比似洞庭波萬頃君  
山也占水當中

山似論文不欲平水如文筆喜洄瀾六橋不及西泠曲自  
向蘇家筆勢成

三竺鐘聲暗暮空高峯南北漸微濛登山有約皆終日放  
溜何之尙信風

題西泠橋橋邊蘇小墓有聯句云桃花流水杳然去油壁香車不再逢

一過西泠路泠然遇晚風桃花流水去斷句夕陽紅

江上懷冬心先生宅

人生樂志皆予求使居背山而臨流背山山色看不足面  
江江外山遭周誰與詩人謝鹿鹿瀾浪煙霏飽心目獨抱  
冬心向寂寥不見錢塘金廿六錢江書堂在何許幾稜荒  
田數區屋雲門洛思沃州山涉波舉裳就相逐微生骨相  
何清癯安排漁具與農書松江通潮田卻無小雞山下空  
樵蘇木蓮花謝水周林昨來一舸狎樵漁西湖卻過拜林  
逋題詩數語亦草草寒瘦頗與先生俱

寄道安

一點鄉心忽起予爛銀月色浸階除燈花漫結雙紅豆枕  
上難裁尺素書

別來無恙剪刀池池上芙蓉怨別離想計歸期話秋雨紗  
窗寂歷上燈遲

二十四夜小飲西軒下酒物皆山味余明日將行  
矣

無多酒債欠杭州菱尾壺觴費杖頭鶉脯鷓巴風味好不  
教哺啜早風流

泛湖曲賦別西湖

晴湖不如遊雨湖雨湖不如遊月湖我來看月兼聽雨泛  
湖往往晴煙鋪今朝言把江頭櫓破冢布帆去如舞三老

長年遲不來更與湖山敘賓主橋門十二東復東瓜皮小  
艇夕陽中平波拍拍聚羣鴨何時重把竹枝弓

六言絕句一首寄別伯初家兒

幾日話殘涼雨今朝行過清溪此去樵風南北由來溝水  
東西

茶禪寺

茶禪何所有坡老三題字聊當借軍持一試茶禪味

浦東夜泊悵然有作

楚尾吳頭一水通留行不爲石尤風祗應張繼寒山句占  
斷楓橋幾樹楓

送徐大

光祿臺邊凍雨繁  
討君話別到黃昏  
布帆無恙歸湖海  
破帽何之出郭門  
船上運租催汝去  
雪天邀食幾人存  
幔亭剩有相招約  
待裏乾魚伴酒尊

庚辰

齋居春日

花枝卓午衙蜂日  
樓角輕寒社燕風  
一種遊春多少意  
下帷故紙對殘叢  
爽氣朝來致有無  
捲簾坐盡碧山孤  
鳴鳩往往催人去  
故把春陰著力呼

徐大屢以書招遊武夷作詩報之

笥河先生謫仙人  
自言死爲武夷君  
馳書極道武夷樂  
先

生弟子洪稚存二公足跡半天下帝許看山兼校文奇觀  
眼底無萬數賞心乃在幔亭雲此邦山水復有幾幔亭差  
足張吾軍十年能著幾兩屐至今禽向難爲羣昨宵打門  
送急遞故人書到溪之潯爲言舊約息壤在幔亭下界招  
曾孫聚糧三月且勿爾乾魚急裹禮所云嗚呼筇河勝情  
不可作北江勝具不可聞我今才薄更躑躅後人誰替杜  
審言

武夷之游以事阻獨坐悵然

攔卻看山又上樓秋蟬聒耳不曾休形容我是詩才盡不  
敢登臨到建州

高山流水滯瑤琴如此秋光忍不禁持較十年遲宰相也

應難似此時心  
世路日難  
東野士望  
雲古木  
山翻  
散

辛巳

別道安

阿那登樓掩袖低  
矜年愉思滿春  
闈遠山爲我壯行色一

邏青青總望西

嬌寵清歌唱折楊  
尊前時有暗來香  
東風破費鄰家物干

片梅花吹過牆

萬樹梨花雪不如  
春帆細雨探知無  
看山自有印須友傍

水尋煙聽鷓鴣

將至水口山勢甚峭

一折嵩溪扼上游  
名灘高下漸鉤  
駟峰峰插水無留步旋



石道言集卷一  
古  
旋洄灣似盡頭  
馘散村樓依樹杪  
艤驥岸影壓孤舟  
千山包裹來時路  
更向青山裏處游

溪上作

浪花明滅裏一角見孤村  
晚爨煙初直歸樵雨又繁  
松毛清溜急苦竹白沙隕  
辛苦行滕客呼僦坐短墩

一轉巉巖石清溪特地平  
蒼松各成隊啼鳥不知名  
港直雙重劃舟無別箇  
橫今宵安穩睡非復亂灘鳴

頓有鄉心起登高抑倍難  
山花千點發汀月五更殘  
嵐氣袞知薄溪流帶漸寬  
郵籤更明發愁檢鏡中看

延平城下

劍氣銷沈處扁舟落日情  
梨花十里雪古木亂山晴  
佛閣

嵌巖壁人家枕子城今宵孤月上誰見李延平

連日灘行三首用漁洋山人十八灘韻

一灘闖然來一篙鎮其惡衆灘遂奔赴崖柴互聯絡篙工  
巧迴閃四面猶驚薄暴腮鯉登門蛻骨蛇赴壑江潭識窮  
薄性命付所託猙獸極奔駭猶鬼肆拏攫劃然磨礪過如  
以項就鐔尋常石如拳震撼亦匪弱會當揚巨刃水底稍  
鑄鑿紛紛面排者雖險亦寬廓不知天地心剗刻此何樂  
兩山箭離弦拽惹防奔峭由來選長年僉日出閩嶠我今  
辨土音某某指臨眺豫章好身手華羽偶呼嘯楚材而晉  
用賈勇如剽姚撇漩復捐瀆其力足排冝銜枚聚羣力邪  
許嗤鼓譟就夷出舍險厥險亦殊妙鷓鴣爾何知冒雨張

皇叫

南方草木繁猥瑣乃無狀一舟墜盤渦湓渠迷背向蒙排  
出三人懸布登其上數石已黯淡拘怒况列嶂三日行諸  
灘頭地此獨讓倒戈出前途斜擊更隊仗萬鈞爭一折屢  
折勢益壯未知破豕行安穩果無恙行矣或怔忡不行復  
惆悵

題萬年沖祐宮

連山噴蒼霾過雨猶奔逐眼前幔亭峯隱約露其腹腹毛  
厚松杉數屋黃泥築鬧灘阻登眺枉道從二曲石磴幾蜿  
蜒樓觀想高矗豈知萬年宮卽此黃泥屋孫桷剝蟲白賓  
徑暗莓綠穿漏瓦如星斷壁帶類鏃吁嗟高會後金管咽

斷續三座紅雲裯二序紫霞褥張孫右鶴駕彭趙西龜籙  
五嶽許平交七眞皆眷屬人間信可哀消歇到仙躅乾魚  
空壇墀金龍枉巫祝咸平天寶閒典禮徒肅肅鑑池渺紫  
房天柱盤毛竹方輿檢勝覽掩卷不能讀

止止庵

止止庵中衆妙門山南無復好曾孫死灰槁木非虛室流  
水桃花想舊村三李浪傳磨鏡地四松合著看棋墩羅浮  
雁宕千年去悽斷青林叫夜猿

晚泊二曲詠止止庵前松

最愛庵前四古松之而鱗爪老成龍箇中著箇窺人月風  
露深宵不厭濃

石道言集卷一  
路入天游觀

路轉石橋山幾重山石犖确稀行蹤簷峯餘溜盡日雨林  
洞倒瓦千年松生魚莓苔合支榻吠犬水聲知曳筇我來  
未覽衆山小便覺出山情已慵

坦步居然俯翠微巖泉破額祗霏霏到門綠杉覆如幄入  
座紫荆花正飛胡麻澗上水深淺毛竹洞口雲依稀倚欄  
四面試一覽何必崇岡急振衣

登眺隱樓懷二藍先生

行行百花莊望望眺隱樓山麓漸膏腴松檟無與儔一徑  
入深松峯巒松外周溪曲行將盡依然碧玉流割取作條  
脫百萬價可售路梅老成陰巖桂馥而幽菴畫得書屋雜

花相夷猶二藍遂終古誰此置壑邱舊句在前楹對之思  
悠悠春聲寒澗情識欲并不兼色精一片野雲似欲  
水簾之水一百丈寬窄一丈而強焉紐如偈陽布忽懸迸  
如晉陽決汾川白如玉氣出于闕又如海水立屹然我來  
雨後萬道匯奔泉觀之忘返謂之連洞徹上下與中邊大  
風捲雲吹之偏忽而白龍蜿蜒下九天忽而一羣墮鶴之  
蹁躑忽而長虹俯飲於九淵忽而白猿連背之相牽頗覺  
盡態而極妍不知天台之石橋雁宕之龍湫黃山之天都  
匡廬之開先奇觀數者誰居前行將勝覽求其全一盡  
著之於篇雲霞洞香林朝林

凝雲道院看杜鵑花

不從劉阮飯胡麻磊石行來一徑斜定有鶴林殷七七門

前爛放杜鵑花天台之百餘載客之歸烟黃山之天階

入曲見桃花飲水而白髮數背之味奉賦賢

笥洲抽笥漸嶙峋笥外天桃簇簇新他日相思問津到桃

花要認再來人泉臨之忘或晴之數詩始士不與

武夷歸次蘭生見懷之韻

春酌沈沈花壓檐垂垂孤柳亦陶潛雨絲隨意疏兼密池

水多情減又添上冢聊租小籃笥典衣偶買舊牙籤臯橋

且喜春聲寂探討端居任不廉

建安道上過謝坑塘時有斷句數聯情景可念足

成三首

筍輿破曉便登程  
過雨溪山色色清  
一片野雲低斷渡  
前溪早已先人行

山花著雨紅皆白  
野燒經春黑更青  
記得筍輿侵曉發  
詩情無那短長亭

霏微林雨忽沾衣  
細竹如毛路四圍  
幽澗斷杠藏隱隱  
野泉山碓見依依

丁坂看菊同蘭生友枚

接葉卑枝礙帽簷  
荒山秋色亦詹詹  
江頭一帶黃泥坂  
二客從予似子瞻

癸未



石道室詩集卷一  
三月三日登江亭

長安何處不塵土爽塏猶數陶然亭地偏更饒水草趣稍  
覺景物如江城今朝三日天氣清水邊風物空復情登亭  
突兀出林杪西山爽氣來窗櫺陶家之士誰所化一簣頓  
起再成英道咸以來數十載敦槃壇坫差零星偶然命侶  
事遊眺此亭密邇相逢迎每當積雨之旣晴蘆芽短長同  
青青小車來去似泛艇穿葦小車疑泛艇出林高閣  
似登山亭中楹聯傳誦者疑有  
曲汊兼迴汀兒童三五時坐釣生魚吠蛤飛蜻蜓去我所  
居幾牛鳴衝泥步履門無扃梨花滿地已如雪明當重來

倒酒瓶

法源寺看花過謝文節祠下

落盡簷前白海棠滿庭惟有雪丁香長安客話無多子記  
取昏黃月轉廊

杏花天氣晚風增欄角殘紅聚斗升春色三分盡塵土一  
分流水到何曾

同伯兄蘇龕游崇效寺觀紅杏青松圖卷徧讀諸  
題作

梵宇琳宮處處來倪迂同癖亦堪咍卷中名士多於鮑愛  
好貪多幾俊才

晤芸敏聞蘭生有蜀道之行書寄

古來詩人每入蜀少陵玉溪及放翁少陵秦州同州來五  
盤閣道天下雄玉溪晚依柳仲逞睥睨井絡天彭中渭南

半世在梁益劍門細雨窺蠶叢新城尙書稱宗工鳳翔寶  
鷄去堂堂江陵白帝來恩恩王公出蜀昔何處王生入蜀  
今何從道咸喪亂旣云已久無豺虎仍巴賓蜀中名勝幾  
興廢登高能賦非詩窮輶軒使者難僕數又手八韻習雕  
蟲未知白華止堂後於古今體誰磨礪君今壯游遠行蹤  
我將倦飛回孤篷長安索米苦不飽歸歟踽踽悲無怱訊  
君作詩逢吾宗我謂雕刻傷天公仲宣體弱善自保登樓  
勿復嗟飄蓬題詩一路儻相憶不辭萬里來郵筒

重游天甯寺同道安

車子衝泥城西去滿路榆錢不知數游絲百尺更飄揚春  
色可知行將暮我從攜家車轍邊廿四番風日月除尋春

裙幄不料理枉向長安一春住出城已見塼塔湧到寺游  
蜂道先路此中風物似較晚乍有數點隨風絮好花遲客  
不肯紅十日未見萼初吐亦知更有全盛時歐碧鞞紅滿  
高樹長安塵土百不適惟有看花且須駐

黃浦登舟失足落水浮沈數十須臾卻援一篙而  
上

不道無端了此生人間失足實堪驚已拚朽骨沈淵去不  
道無端卻更生

長句一首贈林琴南

林生年少負狂名與我相逢已長大君言識我亦良早貧  
賤驕人此人那酒酣耳熱話童時折節讀書誰督課斬蛟

射虎百不憂鄉里齷齪橫作邏臺江馭僧本如鯽酒惡情  
懷輒罵座世人白眼盡欲殺每值罷耗暗相賀我識君才  
已二年講院曾窺珠玉唾駢文酷似洪北江小言詹詹亦  
偶作昨讀我詩袖之去旬月不還若奇貨謂將肆力古文  
辭詩非所長休索和

甲申

七月初三後雜詩五首

孤軍深入黃天蕩盛事爭傳采石磯百姓傾城避兵去將  
軍下馬捷書飛

敢信佛狸飲江死頗疑老鶴鑿河新丸泥旣欲封函谷捧  
土又聞塞孟津

將睥而幡棄犀兕婦髮相弔聚狐貍不知庾信江南賦可  
有招魂宋玉哀  
行李安歸僅免官鬼兵到底守關難帷車新婦原如此誰  
遣將荷作柱看  
虞騎早回香草淀王師已復解梁城蠟書欲問眞消息隔  
斷郵程五六更

損軒招伯兄卜居陶江余有建溪之行送母來居  
臨水登山徧覽江鄉風景得七絕句

買田陽羨枉云云少小追隨長離羣自是別期間不得何  
曾風雨不堪聞

尙有故人招隱篇秋風蕭瑟桂花天小山賃得全家住黃

葉清江夜刺船

松徑巖扉月色微  
鹿門采藥想依稀  
明年寒食清明節  
應是全家上冢時

林外寒山遠  
火疏夜春吠  
犬閒村墟清流仄  
徑堪攜手儻

寄山中臘月書

臥波猶有宋時橋  
果樹環溪入望遙  
溪石陸離色寒碧  
鱗魚風信正乘潮

風味江鄉問醉翁  
中厨螺蛤未應空  
攜家溪上真堪笑  
苦

筍生魚雪裏紅

村居未辦板輿錢  
多種忘憂祝暮年  
愁絕離心總南望  
白雲長傍在山泉

八月十三夜宿玉屏山莊損軒出讀西谿詩別後  
有寄

吾兄故人葉夢得獨據江村建詩國招隱詩篇廣陵散君  
也急遞抑何逼兄旣移家我浪游別兄溪南君溪北君家  
池館極幽緻合繼蘇談紀數則倪迂清悶苔無塵金粟玉  
山滿題墨留客論詩墜夕陽酸鹹外味今誰識月華涼夜  
浸如水復手一編置我側君詩寫定重胥鈔自恨未全洗  
柴棘此編最得溪山助賢者所能固不測樹邊潭底幾推  
敲山外渡旁善雕刻甯須定效儲太祝石湖後村正堪憶  
坐久單衣已屢添遙天直作將明色

讀書雜感十七首



善交在久敬此語要有辨相狎固非可客氣亦未善平仲  
所與遊但求戾獲免樂高崔慶輩由禮世祿鮮曰人不曰  
友禮貌敢不腆果其同方術傾蓋言不淺管鮑與劉葛霸  
王世所緬有敬而無愛世故徒黽勉

聞有柱厲叔死報莒敖公持以較豫讓薄夫敦厥躬愧彼  
不知人用意將毋同

佩弦董安于佩韋西門豹性情安可移職志聊取闢嵇康  
種合歡蠲忿未有效

草木各有種種種自相肖人爲萬物靈種類非所料有子  
喜蘇瓌無兒嗟李嶠三加喻彌尊孰不重冠醮好醜一墜  
地百藥不可療

無鹽不自羞強顏作齊后雖云助爲理自薦亦已醜齊王  
誠好賢英俊何不有不見漆室吟已詫鄰人婦  
醜陋如德曜若不嫁侯光粉黛且列屋棄之守空房庶幾  
賃春人糟糠不下堂思之定爛熟其拙信善藏若以勤操  
作德行稱非常村婦把鋤犁勞苦難具詳

孔文舉有言三人相與行聰雋欺底下饑年遂遭烹譬煮  
一鸚鵡譬蒸一猩猩所以孔仲尼善惡非所評上智與下  
愚舜跖之所爭

魏文惜應瑒其才能著作李觀王深甫早死學未博所以  
古志士俯仰悲木落立言可自致立功要依託

張裕死潞塚彭羨死老兵李白稱魏帝蟻觀一禰衡雖受

石道言集卷一  
三  
奸雄欺老瞞究好名孔璋弦上箭亦容鐵錚錚持較大耳  
兒猶覺度稍宏

醇酒禹已甘高屐晉始尚猩猩爾何爲酷嗜復幾兩風俗  
之移人異類競高曠紛紛趨時者逼肖有此狀

謝安逢朞喪音樂未嘗廢恆恐損樂趣知覺防兒輩區區  
紫羅囊元也不得佩

北朝一士夫有兒年十七頗解彈琵琶鮮卑語略悉以此  
事公卿寵愛當無匹齒冷讀書人老大弄紙筆

張蒼白如瓠解衣赦勿斬汾陽亦當法魁梧罪以減獨有  
唐裴佶貌寢色黯黯避難假爲奴池魚漏於罟同行爾士  
夫不免墜筭檻禍福信無常莫恃面堪堪

文章將入彀朱衣先點首目迷日五色以此爲藉口果其  
眼如月炯炯照戶牖豈有九烈神能不衣染柳

安定謂嫁女必須勝吾家齊大或非偶相攸願已奢焉蘿  
偶施松玉樹閒倚葭如其勝己者不屑穠李華安能強繫  
援銜玉亦可嗟豈如溫公論門第非所誇

後世有妄人矯僞稱無私死不妻同穴生不妻共帷大被  
與長枕花萼相交輝將見古虞舜瀉泗觀型時二女出貳  
室傲象入居之三百首關雎請君刪此詩

人生不百年夜寢去其半所以周元公披衣坐待旦卽論  
賞心事炳燭足把玩日出可出遊日入可據案豈有無病  
人而來朽木歎



石遺室詩集卷第二

侯官陳衍

乙酉

蘇龕屬題其詩後卽效其體

幽人張玉琴遠在江水湄相思積素襟忽誦懷袖詩君詩  
我夙好矜寵負高姿發爲論詩言審音多微辭於唐知柳  
州昭代知東癡更端他說進廓如辭闕之匪嚴誰皋陶非  
隘無伯夷時人偶啖名藉藉空嗟咨未解嶠真味焉知辨  
豪釐被服必顏采周旋動謝規諒非志謬謬夷考行已違  
詩教本性情六義各有宜隘也匪直嚴有閒豈在微君言  
信盤深我道非駢枝跂足苟有極異同復何爲

石道室言集卷二  
六姊葬病不克送愴然有作

蓋棺邈山河豈待閉九原之子煎芳馨涕下紛煩寃日月  
忽不淹安土體魄敦親戚一追送步出西郭門悽悽薤露  
吟渺渺蒿里魂我病不能興我悲誰可論山邱重瞻望陳  
迹空復存

送蘇龕之天津

君自江南至江南是故鄉翻飛偏獨往人海重相望春盡  
波猶綠庭幽草自芳不知何所事棖觸斷人腸

丙戌

抵都寄家書作

江頭棖觸已迴腸見月長安重憶鄉行子先知春氣暖居

人曾共歎塵忙花枝映肉城南路細草驚心陌上香此去  
清明寒食節柳絲離緒較誰長

孟夏十日竹坡先生出視游西山詩卷遂集同人  
分韻賦詩得徧字

長安塵堞中水石不可見西山日在眼羈鞅徒眷眷吾師  
時一游一游詩一卷持筆御風行筆筆卷雲片送春三日  
雨爽氣苦未徧照人得此編坐覺涼颺扇哦詩更招邀楊  
花正入硯

竹坡先生留飲初晤伯福仲福兩公子二首

榻來纔訪兩歐陽名士軒頭一坐長洗鍊詩篇如濯錦寬  
容禮數共抽觴游絲白日沈沈靜庭草無人細細香怪底



分攜便惆悵春明明日有歸裝

次日禮闈放榜

語我西山景可誇秋來楓葉爛朝霞待將共舁籃輿去爲  
祝先拋蓆帽斜坐久重門愁上鑰詩成筆硯點飛花多情  
愛客如公子別後相思未有涯

晚渡獅球嶺放舟至水返腳乘月肩輿抵稻江

棲棲辭親愛念念乍悽惻已乘浮海桴入此瘴霧國戒徒  
遂踰嶺陡矗艱登陟狡夷淪陷地僅此限其閩海壩瘴癘  
重天意會殺賊放溜買輕舟石瀨下轉側地濁水氣腥山  
惡月色黑停舟水返腳沮洳不堪息帶月遂宵征去去將  
何卽命儻罕吾侶投止乏素識重增惘惘懷知有怏怏色  
平生出門遊逸興脫羈勒一爲稻梁計蹭蹬無縱翼茲邦

夙云陋云胡就偏仄三復遠遊言一輦杭猶得

自大崤坎行達加九岸大營三首

言從大崤坎策杖加九岸主人

林時甫京卿

曰聞戒兵衛資蔽

捍初逢野番來裸程髮披散腰閒皆佩牛攫顧目殊睥頷  
之俾馴擾亦自啟笑粲路轉竹頭角昏黑榛莽亂叢叢  
可隱敢以伏戎玩當關一失險枯朽盡爲難蠢爾鳥獸羣  
亦有教猱歎

崩厓臨絕澗十丈山路斷伐木什其上兩澗遂中貫下有  
千仞潭奔流何澎湃峯峯高摩天樹樹十圍榦天日旣蔽  
虧瘴霧下浸灌想從洪荒來闢此幾昏旦土鬆不成級土  
滑步欲灘輿夫昇空輿數步息喘汗起落已萬丈問路殊

未半

日落敬營門短衣不至盱長揖未云已軍饈已羅案書生

能健步顧語一笑粲諒知得渠魁已誓不復叛貰其一覺

鼓鼙鯨弗敢竄一朝殺廿人

生番名馬來詩昧者曾一日殺樟腦廠工作十九人劉撫

軍赦弗殺

厥狀殊不悍攻心乃爲上枯骨固可惋日日牛酒來

就撫歡未散書生亦何知惟有默讚歎慚非甲冑士空爾

弄柔翰

丁亥

晚春閨思

晚春褰帷臥雙扉永晝關不知花落盡但覺蝶飛閒綠苔

閱履綦流黃掩玉顏多謝多情月有時自往還

寄蘇龕

昔人風景地容易賦離思秀蘊山川氣窮搜句語奇瓊儻  
同遠竄永柳謝新詩尙有花前意當春不自持  
騁望傷春日憂來擬著書天涯渺芳草江上足芙蓉藉慰  
登樓意聊同廡下居春風雙鬢影何以似相如

寄蘭生大湖營次

辭君東海遊離思鬢髮變君復投筆來隔歲此相見官齋  
一握手程期去如箭赤嵌山萬重瘴霧濃於澱昨來有報  
書感歎意眷眷不嗟從軍苦所嗟隔異縣君抱仲宣弱我  
懷馬卿倦如何稻梁謀無復蓬蒿戀

少小不努力長大復貧賤各有白髮親來日去如箭白雲

不遠堂詩集卷二  
四  
視蒼茫歲晏謂相見相見復何如車馬行飢驅君看梁父  
吟南陽有田廬

曉行至大稻埕

自我此羈寓經秋復歷冬海墘風雨多眺望悽無怱比來  
掩戶居樹木四童童晨興步郊原不知春已濃但覺爽氣  
多東南蔚諸峰炎島異氣候草木長蔥蘢如何青陽序始  
此緣濛濛於焉遂延伫勝賞會所逢

寄故山兄弟

赤嵌山上無杜鵑雁行不到東溟天修椽來寄似社燕漂  
搖渡海空復年罡風慘淡自北極翻鍛健翻凌雲偏嚶鳴  
出谷意良厚圖南六月且毋然離巢反哺四千里躅躑歧

路難爲延棲棲嗷嗷三繞樹擇木擇地誰能全刺天萬峰  
一鳥道亦跋險阻瞻橐鞬歸來自笑成何事粧點一卷遊  
山編仰天醉歌猛虎行白雲飛鳥相廻旋將雛喚婦復何  
取移民移粟惟所便山中荆樹亦良悴能餐竹實皆神仙  
秋風會當蕭蕭起故鄉倘有鱸魚鮮

九日寄丹曾甥二首

他鄉無賴強登高故國園林憶聽濤偕弟讀書眞一樂攜  
家負米笑徒勞難除結習空投筆未必封侯想大刀爲報  
京華書札到近來老阮不能豪

風雨朝來尙滿城海天愁思不分明明年此會知何處老

子胡牀劇有情

近移居一樓面  
南入望甚曠

惡竹萬竿剛得地好山一

邈未知名柳州遊記東坡論愛蒼來書云云孤負經年海外行

哭劉紹庭二首

海外聞君死填膺倍覺悲罪言今已矣天問欲何辭不信

修文樂因知負米危

君掌教福甯書院

凶凶才小別人世斷交期

悼歎聞吾黨東陽語最眞少孤能力學薄宦益清貧遺稿知誰付連牆我獨親蓬蒿歸去日三徑更何人

送何研孫同年省親揚州

官梅詩興動揚州巢父東遊悔掉頭怪汝登仙人競妒秋來何日不扁舟

孔璋行矣首重搔信宿漁人已太勞昨日滿城風雨急劉

公賓客枉詩豪

日暮河梁揮手難江湖秋水正漫漫乘潮容易傳書去怕  
被江南子布看

得愛蒼京師書卻寄

長安行樂地矯首見浮雲慨然念舊遊沈吟復爲君十日  
十一詣眞長於許詢粲粲諸門子酒酣氣益振大風軒然  
來波瀾起嶙峋逡巡出帝都江海無縱鱗去去日以遠蠻  
府效參軍黽勉就羈棲忽忽冬復春曾從萬山來毒霧所  
蒸熏蔽虧惡木陰紛駭鳥獸羣周王馬不到謝公屐不聞  
長揖謝吾子才薄休云云

己丑

江上望蘆洲



北來撲面飛楊花南去汀洲長荻芽東坡無人都官死河  
豚身價等魚蝦

江行舟中聞蘇龕考取中書寄調

老去毛生不中書遙聞華省集簪裾南來頗有澄江練紅  
葉翻階恐弗如

江中回望金焦二山

昨宵江色天真冥江潮正落月未生金山塔上鈴自語焦  
山寺中鐘已鳴昂藏北固了無見瓜州燈火三兩星朝來  
四望致爽氣隔江之樹青泠泠江山一顧如傾城端莊流  
麗二者并松寥寂寞修竹盡鸛鶴飛去棲老兵亂頭粗服  
背亦好故衣黯淡尹與邢金山顏色真甯馨坐中貴人來

平明態濃意遠挹不盡水邊一賦麗人行俗物敗意強解  
事徒以寒瘦爲神清妙高亭子何亭亭就中與余相目成  
未知明月幾時有難得夕陽無限晴古云京口兵可用古  
云京口酒可傾仲謀寄奴無覓處惟聞鐵甕寒濤聲眼前  
風景不解道青山枉向吾曹青

牛渚

依然牛渚西江夜一片青天孤月明憔悴湘潭行吟客無  
因高詠發幽情

牛渚望青山

謝公風景地六代洗繁華牛渚將軍鎮青山太守家西江  
一片月滿眼散餘霞坐覺千秋勝風流尙永嘉

石光室言集卷二  
一  
遙題采石太白祠

地傍青山山便青  
雨餘石氣碧泠泠  
人生埋骨當何處  
不見樓頭舊酒星

過馬當山

太行與呂梁  
合險爲馬當  
文章果有神  
吾亦乘風歸帝鄉

過黃州

聞道東坡勝  
平平土一邱  
大江多赤壁  
名士喜黃州  
啼鳥茂林韻  
危巢棲鶻幽  
蒼茫撫陳迹  
并與逝東流

過黃鶴樓下樓前年已燬於火

茲樓亦隨黃鶴去  
寂寞有同鸚鵡洲  
齊雲落星一朝盡  
晴川芳草萬古愁  
遠帆映空來  
歷歷夕陽度  
鳥去悠悠衡湘

何日送歸雁來共江水東北流

晚眺晴川閣遂登大別謁禹廟

朝行晴川上傑閣聳晴空暮登閣上頭龜山鬱蔥龍遂造

山絕頂禹廟高穹窿仰維隨刊年南條尤洶洶導江自岷

山下至巫峽中龍蟒護巢穴怪彪號陰風靈寶授雲華宛

委搜祝融此地所經行南條方朝宗後人懷明德允宜此

築宮比年聞中原沈災嗷哀鴻不傳岳瀆經捧土告成功

茲山跨江漢名齊魯龜蒙

本名魯山俗呼龜山唐以來始以爲大別也

淮渦鎖

支祁厥形將毋同附會爲大別改流昧所從解字訓決水

左證在安豐誰呼唐以來昭然俾發矇我今西南行江漢

向北東鄉關東海頭一氣青濛濛由來長沙去回望何終

窮

楚江二首

人生離合楚江萍  
柳絮泉邊風滿庭  
楚雨秦雲都不管  
楚天來看楚山青  
六月南風吹倒船  
楚人百丈幾回牽  
此去巴陵七十里  
岳陽難似上青天

阻風白螺山謁吳大帝廟

停舟來悵望  
遺廟尙江東  
當日東風便從君  
借一篷

東北風大作  
舟過岳陽樓  
下不得泊  
遂渡洞庭

岳陽對君山

節山  
谷句

洞庭看斗柄

節山  
昌句

騷人遷客地  
悲慨寄

高詠暉陰變氣象  
太清恣涵泳  
曰余江海客  
駭浪風所輕

茲湖信泱泱吐納百流并皤然九州腹空洞名所稱君山  
鳥可剗晴天片雲瑩自我久弭節擊汰滯吳榜桂舟蹇誰  
留玉簡書欲倩大聲發水上南風忽不競朗吟鸞鶴過張  
樂魚龍聽參差吹悠揚鼓瑟曲未竟江漢朝濁黃沅湘暮  
綠淨穆穆金始波葉葉木猶勁審音渺何許繁響奏方盛  
匏媧不可作牙曠孰與證陳詞向重華九疑嗟已覓

秋日登定王臺

大夫怨行役白雲望孤飛偕偕有士子陟屺多憂思云胡  
備親藩寸草傷春暉偈仄古如此卑溼今何辭去國苦無  
棕駕言寫我悲喬木蔭曲臺修竹散方池及此幽賞地延  
伫暫忘歸偶尋東澗梅沈吟白石詞北來與南去時序悽

心脾登臨復棖觸徒然懷式微

謁賈太傅祠

秋草悽以綠我來日斜時三年亦偶留數間屋在茲愧乏  
治安才亦尠瓊琚辭三上不中雋乞食江之湄沈湘窺汨  
羅衡雲連九疑試數漢以來幾人此棲遲平生望古情恥  
作秋蟲悲悞落迷陽中故叢拳江蘼芳菲所浸淫悱惻人  
肝脾黃甘樹已無井水以爲期惓惓徒已矣振古良如斯

游嶽麓山憩嶽麓書院

昨登天心閣上頭嶽麓山色垂簾鉤榻來瀟湘碧玉流騷  
人桂楫木蘭舟寒山無限楓林好講院夾道松風秋欲落  
不落夕陽挂一重一掩期重遊

題小橋墓

何人來撰少姨碑  
湘水波瀾接二妃  
大將星沈和議去  
江流鳴咽到螺磯

降表誰修孫仲謀  
當年銅雀枉擔憂  
袁家新婦中郎女  
一例傾城萬古愁

環珮歸魂月夜來  
土花凝碧望鄉臺  
脂田粉碓遺民盡  
猶禁樵蘇水一隈

夫婿雄姿居上頭  
軒裳一妹貴無儔  
有人織盡回文錦  
家客飄零尙馬周

岳陽樓月夜用杜韻

巴陵無所往  
日上岳陽樓  
山對青玉案  
水環碧玉流  
由來



湖海客必渡洞庭舟今夜兼明月臨風欲拍浮

變君學使阻風琴棋望長歌屬和次韻

樗櫟臃腫如斷檣巨川欲濟難爲艘積薪後來盡居上余  
冠屨曩何其高故人千里來急遞鹿茸彷彿相鳴號南華  
已悔讀第二僻典坐窳令狐絢匡州南望自八百二分  
月無太牢此時打門反招隱足音空谷登難逃衡陽去雁  
稻梁計江湖秋水甯敢怪揭來鎖院百十日秋風容易驚  
颼颼案頭鰈鰈卷束筍專司搜薦如鄉豪大李邵公善墨  
守小李洞簫謚王褒罪言慷慨有饒子時艱蒿目心忉忉  
任生弱冠奪經席議論泉涌翻洪濤不廉年少盡如此爲  
添蠟燭甯辭勞澧蘭沅芷足攀采涉江不枉杭輕舸燕公

一生大手筆漢書終日下濁醪談兵紙上瞭形勢雕蟲小  
技嗤空螯衡文據案持不律功沽辨析窮鼈毫東原寂寞  
古小戴西河無人今六毛將荷作鏡恐按劍後車命載徒  
感叨兩年况復偕計吏采風未獲隨周遭苦長臣朔常不  
飽三冬日月嗟其恒往時豪氣邁湖海出門山水資遊遨  
楚騷哀怨古有作中年根觸常鬱陶先憂後樂大言耳負  
丞負余相訾警燕公近復江山助坐令倒峽傾崩濤峯巒  
橘柚倉皇過青山分外看吾曹詩成火急向索和駑駘何  
以追良駒

舟過冷飯洲

不遇禁煙節來過冷飯洲江湖滿鳧雁強半稻梁謀

仙眠洲懷李文山

言從明月池來訪水竹居仙洲徧芳草悵望空脚躡當年  
三百篇進御授秘書卻歸耽邱壑好句滿江湖松風鶴唳  
後竹路月來初夕霏故依然水寺今則無用文山句意裴杜不  
可作日暮獨愁余

多安橋弔車武子

座有車公樂桓温信可兒與人家國事孤負剪刀池

庚寅

自九江至湖口舟中望廬山用孟韻

廬山高不極失喜一相逢坐對百餘里側看凡幾峰晴天  
開面目積雪闕人蹤直自潯陽郭相望過石鐘

江上望彭澤縣

一幅江城好畫圖江南江北古今無青山奔起來彭澤湖  
水清冷接小孤如此弦歌堪坐嘯翻然歸去不斯須南窗  
寄傲平生志未有田園可暫蕪

村居江上已近重陽卽事興懷輒用東坡霜風漸  
欲作重陽句作起三首存一

霜風漸欲作重陽入夜高樓月似霜可與言愁人有幾未  
知獨駕稅何方登高自昔懷兄弟隔歲相逢益老蒼怪汝  
長空書雁字替人咄咄兩三行

重九日席上食蚶客問始見何書記出江賦戲作

重九日席上食蚶客問始見何書記出江賦戲作

江賦當年偶費才漫從爾雅疏初哉六經一例無糕字又恐劉郎閣筆來

屋瓦鱗鱗入饌才此閒海物亦佳哉吾鄉螺蛤知多少不

及明州日日來今上海海味皆從甯波來

晚食

晚菘漸漸如盤大霜蟹剛剛一尺長獨有鱸魚四腮者由

來此物忌昂藏鱸魚以長兩三寸者為美

晚登雨花臺

雨花臺下草蕭蕭落日黃昏墜麗譙殘雪蹇驢疲犖确荒蕪竄雉避芻蕘廿年廢壘周遭在百戰謀攻一擲驍添與兵家說形勢孝陵未合駐招搖

辛卯

遊後湖

步登北極閣俯瞰元武湖模糊澤與陂厯亂荷與蒲驅馬  
至湖墻一道柳夾扶彷彿蘇公隄跨湖爲此途路轉紅板  
橋瓜疇及芋區團焦三五處草樹相枝梧似行冷飯洲在  
庭湖雲水侶雁鳧亭榭水一方淨境歸浮屠芙蓉旣以花  
彌望青葉鋪壁閒官有示算此田田租竹葦文酌篇蒲魚  
職方圖脩然願一廬爲氓於菰蘆

過半山寺

策馬孝陵衛回憩半山寺到門霜葉紅愜我蕭散意多事  
萬言書慷慨立赤幟揭來歸定林惘惘行與睡坐看青苔

上細數林花墜渡頭赴暝色鍾阜割冷翠第一五七言散  
體已其次屋角謝公墩我名與公字今昔此蒼生願拜何  
人賜

題楞嚴菴莫愁小像

不是無愁是莫愁女兒解作石城遊湘鄉事業中山亞纔  
占荷塘一半秋

癸巳

題損軒吳門集後

解吟得雨徹宵聽判牘還來坐訟庭苦筍亦多螃蟹有只  
除少箇冷泉亭

寄題龔靄仁布政芙蓉別島中多好石

環碧池頭水檻涼  
荔枝雖好不能嘗  
算來未及芙蓉島  
一品曾容拜阿章

春暮歸家與伯兄相聚者二十有五日得讀客冬  
大雪與改庵閣學疊韻諸作春盡日既別來滬殊  
不可爲懷得詩一首亦次改庵韻

潁濱彭城兩絕句悽惻滋味童已諳  
十年落落四五見何似割捨成瞿曇  
鄉山去年皚南雪我獨憔悴行江潭  
銀杯綳帶盛倡和南冠絜者毋往參  
今年航海暫歸去劍鋌海上穿層嶼  
綠榕城郭足海物飽啖不飲顏亦醅  
芙蓉環碧兩載酒粟留爲我鳴聲饋  
登盤鄉味徧螺蚌四簋不數雉與鶴  
淋漓論詩雜聽雨尖又疊韻搜兩三  
傾筐倒篋見佳



什片段寶貴如圭擔詩濤詩骨涌且聳恍遇東野窮披襟

江東菰蘆得君輩渭城何苦聽何馘久寓滬上無俚時聊復聽戲掉頭

往返四千里博此秉燭連宵談夜闌見跋且屢易幾日櫛

髮行又甦風馳電捲驪駒至餞春情緒同醴醴詩人兄弟

例遠別那覓求點南山南登高寒食黯相憶看花把酒誰

能甘

次損軒韻

揚州司理王貽上晝了公事夜接賓過江入吳詩百首十

旬于役太湖濬後來司理官久廢大邑讞吏斯其倫君今

奉檄讞斯邑淞濱繁會爭麟駟都廳懸知滿頰繫無暇漁

洋為替人車馬流水天漲塵笙簧干指歌沸唇杜郎縱工

賦豈競鬢絲可奈非青春僕也四年此流寓寒蟬所以瘖  
不呻還山夜談覓祖約投轄此地誰陳遵君言聽訟有常  
晷尙可嘯傲餘昏晨昨攜行卷副腰腹肩輿鼎來江之濱  
卷中便是入吳集壓尾林際望春申菰蘆寂寞賴君輩脫  
衫苦荀休斷斷君看經師出大令金壇曲阜雙嶙峋損軒  
治訓  
年詒有

雨後訪損軒

柳外濃陰隱晚雷連蜷雌霓撥雲開有人解讀郊居賦肯  
作徐陵帶熱來

甲午

歲朝二日損軒見過繼之以詩余已還山來滬後

始獲披讀次韻奉答

題詩人日寄江干料我還鄉興已闌頗畏故園鄰笛苦要  
温舊被對牀寒聯綿稍罄經年語响沫聊加匝月餐如此  
家山如此客有何吟卷把君看

絕句三首送林贊虞之官昭通

不遣詞臣祭碧雞蒙恩出守一家攜君看六詔風煙句錦  
字緘題獨揜閨

彷彿臨安王夢樓此江東下我西游他年歌舞渾閑事弟  
一歸來未白頭

印本連艫費重貲輕裝山路免倭遲昨同君向市肆市石印書贈行不  
敢將他物方麴斂斜七字詩

至滬寄伯初家兄

去年春半還家去，猶積囊中數首詩。  
今歲還家無一字，等閑度過落燈時。  
重讐刻本防譌豕，偶買殘書省借鴟。  
移柳種桃都活否，江村事業只如斯。

愛蒼出貲代刊元詩紀事賦詩爲謝時海氛甚惡  
連夜過宿劇談

我有元人本事詩，敏夫樊榭是吾師。  
十年搜討拚全力，一諾開雕拜重貲。  
著述等身原畫餅，戈船橫海亦圍棋。  
南樓辦得涼千斛，再把胡牀就月移。

用損軒韻送愛蒼還夷陵首言重修四賢堂事

後生何必讓前賢，恍築新亭祀浩然。  
元祐詩人歸蜀黨，夷

陵山水泊吳船輕裝迢遞看天上戰鼓傳聞惡酒邊驕馬  
如龍車似水柳陰明日洗連錢

旬月嗜睡偶讀后山四絕句每首摘其二句續以

二句亦得四首

昏昏嗜睡原非病續續題詩不耐閒拈出后山詩句好睡  
魔無賴去仍還

書當快意讀易盡客有可人期不來果是可人吾自往定  
無所往把書開

三兩作鄰堪共話五千插架未為貧無鄰賞析將誰共擬  
賣殘書去買鄰

數樹直青能爾瘦一軒殘照為誰留軒前新種數尺樹幾

時爲我生涼秋

書孫仲容古籀拾遺後寄仲容兼謝札迻之贈

孫君嗜學兼漢宋

余嘗謂小學爲漢學金石學爲宋學

爰有古籀之拾遺桐

城蕭公吾老友轉以投贈右手持湯盤孔鼎出戴記响屨

石鼓祗傳疑古文奇字篆所本吉金遠過碣與碑本朝此

學邁天水畢王翁孫嚴武祁阮吳專家君手訂辨別點畫

窮毫釐劉君跋尾撮其要一一已朗如列眉僕也開卷更

舉似十祀廿祀知者希其勳其黃張仲簋沱沱熙熙孟姜

匪如宮作公上作在及豐作惠要作孳卷中此例難僕數

屢喜永賃猶恆辭嗟余宋學罕有得許學一二聊管窺已

蛇亥豕匪同字渡河甲子譌晉師采孚酋茆本一例毋以

縮酒疑鳧葵大篆一省不再省若雲霧霽例可知數季相  
 長學去支去如其來充髮垂省文假借易聚訟不合古籀  
 奚指麾山川郡國出彝器盡補說解須他時攷工斷斷偶  
 采證君作正義甯取資手民傳命通縞紵相報何速來札  
 迆余刻攷工記辨證與君刻札  
 迆同一刻匠君見令轉索周秦諸子難句讀商周金  
 識其綱維杜林張敞果同好會當載酒趨問奇

雪後遊靈谷寺

脫盡霜林石氣青梅花靈谷歎凋零北山冉冉雲依舊明  
 日還登木末亭

乙未

歲朝六日自金陵歸滬上拉雜書事寄伯初家兄

並視愛蒼

昔者柴桑舊令尹，兒子門生舁籃筍。急裝昨日渡江來，千載此風忽未泯。石城出門例驢背，馱我詩卷如束稊。頗聞發思風雪中，歇後鄭五不自哂。舒王老去蘄王來，湖上鍾山方接軫。一朝將相既無分，騎馬騎驢要分眄。中年倦遊畏鞍馬，作健猶能止兩勒。夕照來登燕子磯，滿目山川涕欲隕。南來嬾作過江鯽，北顧忍問登州蜃。人日題詩未可知，寒食出遊更難準。忽忽離家已二年，此語定遭荒僮蹶。呼兒且復渡江去，婚嫁粗畢當遠引。吾兄倘有芝芙夢，作速買紅爲阿敏。

五言一首贈晚翠



吾鄉山水秀往往鍾黃童遠者難具詳請言自咸同君家  
有黃鵠早慧聲隆隆自謂學山谷何人知揚雄吾宗有黃  
門謂芸談藝昭發矇駢文景問字造語師匆匆夢寐一左  
海齋志於焉終反復思厥咎無源水淙淙譬諸不識字阿  
買書何工亦有進不猛逡巡希前蹤體弱王仲宣情多張  
司空林生人中驥門前裾如蔥未冠歌鹿鳴如日之方東  
一月卅五日讀書類女功一語不驚人若撻於厥躬語我  
每達曉我謂子勿庸喪亂旣云膺風雅道已窮樸學記姓  
名駢語如青紅許鄭與班張墜此天夢夢千載試置身不  
朽將奚從浪戰提偏師何如善謀攻

雜感十七首

流連愛景光亦自是一適念此竟偷閒躑躅陰可惜  
春風一以至小草欣微和旨蓄不御冬零落將奈何  
哦詩得好語每爲古人道安知我前身非卽此詩老  
時旣非天寶位復非拾遺所以少感事但作遊覽詩  
於彼旣有求大人焉可藐小人有別才台公喜未了  
審言誰替人番番盡黃髮晚晴雖復佳荏苒西山沒  
言和卽小人言戰卽君子伏闕動萬言蹙國日百里  
何謂公是非積勢劫而已積是固勝非積非亦勝是  
大貴常若賤大富常若貧僅有儋石儲侈然數家珍  
工於語言者於法老不貴頤指氣使人焉能爲辭費  
用兵本詭道以利誘之死中國用兵實是如此勝亦無所得加餉烏

可已  
依然縊荒谷何不焚餘皇斲棺剖其尸看取何肺腸  
楚靈昔有言大福本不再干將苟屢試鋒鋌亦已退  
窮袴復守宮近前面發紅不聞謝夫人劉柳拜下風  
發蹤而指示原不爭功狗鼯錯發大難但欲自居守  
到底韓侂胄不如房次律房猶能車戰韓但坐籌筆  
不知幾安排得此一日坐云何不虛度計較無一可

試禮闈畢寄伯初家兄江南

又著麻衣待至公六年燈燭刹那中故人臺省垂垂盡

謂芸

敏彌宸

後起文章漸漸工

謂晚

寒食夏畦荒冢綠江南春

暮雜花紅併將時事滄桑感憶弟空齋想復同

自利涉橋步至青溪望鍾阜

六朝煙水氣取次漸銷磨獨有青溪曲微波尙熨羅沿緣  
忘路遠凝伫傍橋多欲割鍾山色何年問薜蘿

送程生芷庭赴德國兼訊朱生聽濤

看汝長風破浪行會從普法攷交兵他年倘作居夷計先  
我乘桴有兩生

論詩一首送覲俞同年歸里

君從故鄉來忽索我詩看言逢畏廬說子詩近所罕因得  
讀君詩湖上作居半湖光與山淥著筆不肯散自言探詩  
境一葉墜浩漫岷峨在何許蜀道險不憚我從學詩來亦  
復思之爛樂天善閒適柳子工嗟歎孟郊驚且雄次山碎

何惋奇兵雙井出短劍渭南鍛老樹曲而直頽雲連復斷  
連宵快縱談歸權惜歲晏何當小旗亭畫壁賭之渙

丙申

京口訪茅子貞留宿曉起同登北固山

留賓避雨茅季偉約我晨起游金焦肩輿出城先北固高  
高石磴連山腰江山京口信第一煙霏瀾浪殊昏朝人愁  
茫茫百端集我方對此煩憂瀟石颿多景尙突兀甘露海  
嶽俱蕭條中興將帥競祠廟仲謀寄奴何寂寥稼軒懷古  
題詞日惟聞鐵甕淘寒潮雄兵天塹足扼守何事飲馬愁  
天驕纓冠被髮誰肯救謀國乃欲西鄰招登高坐念又歎  
息凍雨不止還瀟瀟

放舟至金山江天禪寺觀東坡玉帶遂登最高處  
潤州城下過數數金山在眼從未登山形如甌塔如筍有  
樓如轎亭如簷頗疑耿耿說樓觀坡公之語未足憑茲來  
京江一留宿出遊冒雨凌晨興輿夫力疾上北固更往金  
山辭不能百錢賃船載我去江天咫尺呼可磨山門高聳  
已突兀殿閣傑構何峻嶒坡公渡江不知數每到有詩題  
上層詩中大半作何語如說玉帶腰弗勝有田陽羨不歸  
去枉誓江水瞞山僧願言明日訪招隱戴公山下來行滕  
寒食日用昌黎寒食出遊韻寄伯初家兄

皖江歸來十日病血氣駸駸異壯盛病起江村柳色青媿  
把鬢絲與相映人生那得百寒食將去其半尙何競賣文

雖飢未必死且理十年舊吟詠蓬蓬流水遠春出落落長

松月輪正忽思太華定夜碧試上危樓一層更中條王官

渾不辨野人愚公惟所命世間百事落人後此事差能自

操柄馮庵先生詩千首本色眉山與長慶晚來杜律獨細

講更爲豫章瓣香敬豫章東野豈詩囚韓筆杜詩本幽貧

傷多酒到蛤蜊前幾許問途迷七聖杜詩莫厭傷多酒入  
昏兄謂卽孟子傷廉

傷惠之傷無能解者余亦謂山谷不堪持  
到蛤蜊前前字卽左傳以乘韋先之先字刻詩已議付胥

鈔選詩何不勇刪併先生此去似飛鳥一路山光足悅性

池陽最數牧之遊于湖想見王敦橫銜紙能無黃州感老

淚休同柳州迸歸舟天際樹若薺餘霞澄江淨如鏡飽啖

粗飯要隨人細和詩篇我爲政皖江流寓幾詩客竟聽涪

翁斷後勁遙知近日杏花村定唱先生鹽角令

清明日次山谷過家上冢二詩韻寄仲常家兄

悠悠體貌遷冉冉義儀運鄉音日與疏吳語日與近故山  
昔朋好不死去亦盡兄弟三離居分野且異眡貧雖吾故  
物兄乃結爲親孝廉多於鮑士笑衆亦晒未知二年隔又  
白幾根鬢大兒歸娶婦不使塵文陣明歲赴槐黃功候稍  
自信買餽當分貽弟妹遶髻齷書來望颺縷旬月厚及寸  
柳州昔遷謫寒食念先壟我今復何爲不見宰木拱四年  
三公車菽水何以奉強爲負米游乃負見星痛念温對牀  
被三度歸亦勇往來三千里頗畏海浪洶深悔去其鄉輕  
易少持重羨兄上冢歸鄉味餘祭供



戲作飲酒和陶

使我身後名不如一杯酒况能飲酒者身後名多有劉伶  
頌一篇阮籍詩幾首李白與杜甫嘖嘖滿人口試問客何  
能頗能杯在手

憶昔里中遊陳王日周旋橋東有酒樓酒債動萬錢當時  
不云樂局促憎鄉關一朝星雲散各各隔山川僅免寒與  
飢塊然年復年

少小抱奢願廣廈與大裘不貴坐客滿所貴皆名流蹉跎  
遂至今栖栖猶道周不見今稷契飢溺非已憂

故人憐我貧勸我聊弦歌不爲三徑謀奈此十日何曰諾  
吾將仕躊躇又蹉跎吾美不如朝吾佞不如鮐果如朝與

鮀不仕甯輒訶

昌黎稱大儒道德亦彌縫賞識徧寒峻大名日隆隆賈島  
棄浮屠孟郊爲雲龍攫金任劉又家祭助盧仝高軒過李  
賀贈言及張童唐衢侯喜輩遽數不能終豈獨皇甫李奇  
正師宗工所以張文昌哭祭悲無窮

無事日苦長有事日苦短造物如人意千變猶恐緩何如  
逢酒人相對但引滿日長醉亦休事大未挂眼

阮藉號達人胸中有磊塊有如趙州土濁酒日與醉生逢  
混濁世俯仰天地隘非與身命讐黽勉對時輩母喪一嘔  
血胸鬲稍以快

昔時所與遊纍纍皆黃土去年故園去鄰笛極悽苦當其

一息存名利銳進取可憐蓋棺後寂寂與終古九泉甯有  
知酒到亦何補

文章勞我神酒脯以祭禱相如家四壁悒悒文君惱作賦  
得黃金取酒召傭保海濱有一士抱膝見懷抱豈無賣文  
錢提壺足傾倒誰與同襟期檮散若鄭老

旬月困塵事清坐值茲晨借問何時歟門前柳色新呼兒  
移柳樹趁此雨如塵雖無佳客來且沽梨花春

放言向茹真乞酒

公館歸休沐村路穿河柳我名同犀首無事合飲酒村沽  
非不廉水淡不可口因思君牀下對坐兩甌甄君面不肯  
亦此酒爲誰守巧偷與豪奪人世幾妙手海物朝十瓶葡

苟暮百斗甯須殺賊奴金印乃繫肘長者久不來牆頭散  
鄰叟呼兒送此詩或者歲在酉

見乞酒歸再得一絕句

柴門伫立不教關乞酒家兒遠遠還籬落幾根鴉舅樹行  
看秋色遜酩顏

答豫生

別後西湖定勝前故人寄我有吟箋申言準備陳蕃榻舊  
夢來温十七年  
爲問吳山上幾回重門留待看潮開茂陵正有秋來病偏  
欠枚乘七發才

月中桂子數聲落秋後殘荷一樣香兩夜扁舟不乘興要

聽風雨過重陽

寄燮君

秋色一以佳出遊興不淺微生坐羈鞅日夕庭柯眄念從  
湘水遊文酒足消遣中間偕計吏回雁北渡沔半途落此  
邦江水吳淞剪江湖往來客可與深言鮮去年飲燕市遼  
海逼烽燹乞師無秦庭致賂豈紀獻太息強上書倉卒促  
歸艣近聞長安樂痿痺謂疥癬耳冷百不聞舌存在能卷  
金馬任沈冥承明恣偃仰爽氣望西山定復朝來善

重至西湖歸來寄嘯桐並視杭州諸故人

西湖別來十八年湖水黯黯碧於前垂楊老大似雙鬢不  
成一事空鬢然

湖水清不如前雙隄柳凋零大半

此來腳力憚登陟多半

湖面相周旋行宮完好舊未覩閣中四部差已全觀書得

請敬啟鑰恭閱乙丙丁諸編攜兒作僕兼鈔撮蒙古故事

搜聯翩

闕元代子史集百餘種將以補元詩紀事

日斜眼倦刺船去自笑結習

酸可憐東道主皆當世賢林公飯我許君眠高子楊子數

相見衙齋都傍西城邊重陽來遊歸月圓六日儘喚瓜皮

船高子喜談天下事往往抵掌船為偏吳山立馬今習見

又誰曲子謳屯田

湖上已有西洋樓

茹真送筍及菜放言報之筍自武昌來

好竹連山出武昌園官菜把遣同嘗胸中百萬全無用干

畝渭川何可當

丁酉

村居移梅二樹開花粲然

繁花開滿樹肯共歲寒時枝有盤虬勢人添似鶴姿短廊  
看徙倚淺水照窵崙對汝情殊愧從無警策詩全無用干

故實後後又榮效言辭之我自走昌來半途落此

入語曲予騎田西羊對詩可與深言疑云可飲無市

撒高千音短天不棄并并無筆眼餘謝吳山立忍冷舊原

休其音實濟會西越重刻來幾韻具圓六日盡與賦效

自定音身首主音當世賀林公對并希既期高寒幾千姓

下日音實實以備天音餘年日餘期翰陳韻去自笑於國

請而音實實不音了神音詞韻韻良音對兼送對樂音音律

等面音實實或音官長枚音末賸音開音四暗音柔音自全音書音

石遺室詩集卷第三

侯官陳衍

戊戌

張廣雅督部電招來鄂呈二首

廿年憂國老尙書汲汲求才渴不如拒魏聯吳勞決策辟  
荀薦孔費徵車罪言猥許空餘子長句曾邀歎起予願識  
荊州天下士翻傳急遞到樵漁

昔歲沅湘單舸還蒼茫風雪下江關路從郢樹荆門轉夢  
落郎官大別閒一臥忽驚天醉甚萬牛欲挽陸沈艱上游  
形勝看如昨要拱中原控百蠻

再至兩湖書院視節盦



初來池上梅未花隔句重過柳已芽風物豔冶百無恙坐  
覺悽哽難要遮茗華青青我如此萋楚沃沃子無家秣陵  
分手已銜涕三年武昌重折麻羣公會不改此度吾生死  
所歸胡沙酒闌破涕索詩讀煩寃哀感相紛拏嗟余尙欲  
游京國他年回首眞夢華

三至西湖同道安

約子來遊近十年轉因容易屢遷延林泉坐落他人手泥  
爪尙留臨去緣駘宕風光春夏際淡濃景物雨晴天殘荷  
衰柳吾重到不及裙腰草色妍

我愛孤山草樹青君言最好冷泉亭凭欄一坐堪終日抱  
寺巖巖如列屏靈鷲石頭行緩緩韜光寒翠挹泠泠歸舟

回首高峰裏萬竹千松一一經

十二夜江行黃州望月寄伯初家兄

淮海相望老弟兄今年會合分無成豈知東屋西頭住暫  
慰南來北去情過後寸陰皆可惜當時別話覺全傾滿江  
風月真堪賞不遣同舟語到明

沈乙盦招遊月湖夜話達曙

赭山不能雲追暑苦無計夜謀月湖宿晨鼓渡江柵有路  
入萬荷有臺矗水際稍覺窗櫺閒新翠欲染袂晚來隔江  
雨欲至旋開霽終分雨餘氣煙水澹搖曳風螢升復沈雲  
月出還閉露坐遂到明俯仰是何世君家鴛湖上無業供  
王稅一官典屬國廿載京華滯未辦買山錢尙阻墓門誓

時君丁 我家東海頭六月足啖荔處處聽松風謾謾李司

隸飄轉墮江湖春申又夏泐萬方正多難行作蟲沙繼問  
君欲何之吾亦從子逝

憶高昌廟舊居花木

林際春申有草堂杜陵人去灑西荒曾經剪取吳淞水洗  
藥澆花入小塘

水竹三分屋二分頗如野鶴所云云最宜月到風來候一

架銀花滿院聞

花木成蹊漸漸多去年日夕眄庭柯梧桐拱把蕉分綠拉

雜樵蘇奈汝何

老梅舊臘開如許叢菊秋來付阿誰最有村童偷眼慣小

桃歌側出疏籬

翠

談空說有便嘗騰爲證蓮華有一燈多事千言并萬語臨  
厓撒手欠垂簾

冬夜感懷季新亡弟

念子歸泉下於今十二年親朋多已矣飄轉尙依然孤女  
初言別遺文未浪傳永懷無可語寒月睇蒼天

己亥

視蘇龕

辛苦撐來四品官兩番乞外益時艱嗟余楚漢方流落喜  
汝江船屢往還除夕輕過名士賤宦途未入歲朝閒十年

心事依然否知我無如翼際山

十年前過此登大別

殘臘偕子培過江宿蘇龕鐵路局樓上約暇時相

督爲律詩新正臥病連日讀荆公詩仿其體寄蘇

龕

與君隔水上高層斜角相望認電燈寂寞江山春尙睡酸  
寒城郭客如僧鳴騶枉過歸常急喚渡頻來病未能砥仗  
新詩吟得就抽空忙裏寄溪籐

新春病起視蘇龕

奈汝東風作惡何蒙頭睡過忒蹉跎滿愁詩可傾城少更  
聽春如傳舍過拂面落梅紛似雪留神芳草綠於波中年  
英氣誰消得日九迴腸豈算多

友人約看梅洪山病未果作

擬同攬轡逐芳辰聞有梅花繞水濱剗地東風欺客子連

江寒雨醒愁人吟成詩句如刑印病起庭除覺斬新似此

光陰編貨殖老來辦作市廛民

時廣雅督部令纂商務雜誌

十六日節盃招遊琴臺

亭似陶然湖莫愁楚波惟有此中柔林巒風物春逾好絕

意同來沈隱侯

彷彿攜家來渡沔壺觴兒女一船還須知物物皆詩料媿

作閉門陳后山

異同遊琴臺歸再作二律視節盃太夷

九方相馬已無傳山水知音亦偶然果爾酸鹹殊嗜好不

應今昨判媿妍梁鴻下筆思千古鄭谷論詩近廿年就裏  
異同離合處可能摸索識翩翩會太夷  
心計粗來罕作詩七言律細更非宜靡旌摩壘如吾子袴  
褶黃驄不自持忽忽沈思常獨往蓬蓬生意漸含滋著花  
老樹初無幾試聽從容長醜枝

早起渡江逾漢飯於蘇龕復詢作詩歸途成一首

故末聯云重

絕江亂漢狎雙流大別郎官轉一週答拜過時如積負詣  
人起早欲何求與奴白飯真東道約子青山試往遊十日  
不詩腸又澀端資策勵有朋儔

讀蘇龕登閱兵臺詩書後二首

南公論楚時懷王虜已久果如亡秦言隱痛亦何有  
非遭柳下黜尙設穆生醴幕燕去安之枉下枯魚涕

雨後同子培子封對月懷蘇龍兼寄琴南

此雨宜封萬戶侯能將全暑一時收未知太華如何碧想  
見洞庭無限秋詞客晚來偏隔水故人天末又登樓土風  
莫奏詩休詠守分安心作楚囚

書堂聽雨

黃梅葉硬芭蕉老小雨能爲大雨聲忽憶驂鸞涼夜集竹  
窗燈火到天明

調子培並答惠詩

夫子平生博愛懷譽人過實亦佳哉不留長短三千首教



主依然廣大來

淡遠深微有本真  
鏤金錯采費精神  
西江未必涪翁拜  
何况桐城一派人

再答子培

藥裹書籤拉雜攜  
草堂猶似蜀都西  
未遭田父緣多病  
屢簡吳郎益近題  
坐黑晚窗思寫遠  
吟黃秋葉紙悽迷  
因君老屋橫街語  
預想京塵憶印泥

次韻答子培

憑余自寫陳居士  
步履頻來不筍將  
入室屢呼無門者  
借書私喜有詩藏  
長江見白難爲客  
東野於韓豈在旁  
隨意恣譚欹坐久  
累君煙月受清涼

贈林李兩生

鄭君從事閩兩生江湖秋水相嚶鳴國家多難羽儀賤哦  
詩聊作孟郊聲蒼茫對子痛往事狂藥舉國甘如飴命爲  
文人動不屑力桑急欲逢國卿籠媒剪艾滿臥穉微行睨  
睨疑倉庚豈知餘螫觸可死斷腕不猛身全傾李生中州  
去行役關河冰雪方崢嶸篋中名集一千卷勞者可以歌  
其情林生獨處悄不樂寒山拾得今孤行樗蒲運臂等無  
用互訟廷尉難爲平功名事業時至耳惟有文字勞經營  
湘鄉此語君莫驚

冬述四首視子培

詣談無昏晨積雨斷還往塗泥敗馳道搏躍可過顙昨聞

東山下寒色足泱泱千松聚一壑中有一泉響稍爲羣赭  
山一洗貌麤獷駕言思出遊懷哉幾吾黨梁公勞教授鄭  
老疲鞅掌寬閒尙有子合作馬曹賞卻思去年雪招手鶴  
樓上薄寒中背呂拳曲不可彊波及居士裝披蓑代鶴斃  
今年詩逐瘧破膽到蝸蝸烏頭時爲帝腰腳藉稍養屢期  
闕市行且抱樊口想稍晴具三殮聊用適莽蒼

與子旣南來夏甌遭蒸炊嗟我甯餘錢賃屋糜重貲屋旁  
有廢圃徼幸南風吹露宿息喘喙稍蘇星漢移風溼作薄  
癩爬搔徧膚肌先生屋打頭過從對唎唎藏冰渺北陸浮  
瓜非南皮借問清涼散寄書鄭當時答言生地黃搗之以  
終葵焦焚至毒時沃之聊數匙皖公有鄉祠百畝環荷池

追涼仍揮汗薄暎荷葉糜蔚然苻婁庭移居惜微遲石臺  
撫雙梧涼露忽已滋子由將北行瘦馬不獨騎追送平山  
堂茱萸仍分持瘧寒豈柝日乃以秋爲期淨名久默然文  
字禪在茲

往余在京華鄭君過我邸告言子沈子詩亦同光體雜然  
見贈答色味若柔醜十年始會面輟樂正讀禮從之索舊  
作發篋空如洗能者不自珍翻悔筆輕泚我言詩教微百  
喙乃爭啟風雅道殆喪厖言天方瘠內輕感外重怨悱遂  
醜詆何人抱微尙不絕似追蠡宋唐皆賢劫勝國空祖禰  
當塗逮典午導江僅至澧先生特自牧頗謂語中繁年來  
積懷抱發洩出根柢雖肆百態妍石瀨下見底我雖不曉

事老去目未昧諒有古性情汨汨任有瀾  
武昌諸陂塘差足荷萬柄冬寒見沮洳斑剝古銅鏡家居  
必樹檜不識是何性配以蠟梅花殆取黃中正今冬頗愆  
陽木葉著猶勁中庭大芭蕉急雨綠珠迸鬱熱生桃蟲食  
僵非細病逝將學農圃殺蟲是亦政吾兄失陽羨買田志  
不競人人獲所願造物窘造命所以老運租船上發高詠  
延緣得居停不餒妻子慶昨來糊紙閣字畫白相映軒窗  
指玻璃廡下瑩而淨室廬定吾有辛勤恐未竟

乙盦雪中招飲觀沈石田山水長卷

雪中打門來急遞乙盦主人借行厨來朝畫社設寒具出  
觀石田山水圖題詩自言寫蜀道署首乃謂圖吳趨峰巒

迴抱未險峻居民水次隨樵漁依稀舊題光福卷羣山西  
奔駐太湖如余識寶非賈胡曾陪闕市行徐徐貨郎顧問  
沾不沾我志在租蔬魚豬其次乃乘下澤車又次乃藏萬  
卷書字畫匪我謂熊魚無已舍字取畫乎畫中贗本最紛  
拏文度珂雪已儻慌樊圻張窰或模糊頗聞長安居不易  
詩窮未免嘲聖俞胡椒書畫雖有辨徐熙卷還常嗟吁何  
來赤面怪且妬想見其歲逢大醜

紅梅和蘇龕四首

莫怪東君嬾主張此花骨相總清狂何曾不入今人眼到  
底終非時世粧積李崇桃紛長養青枝綠葉費端相江城  
玉笛橫吹處嶺上白雲空斷腸

老去空山偃蹇身何心絢爛鬪精神錯緣驛路南來使誤  
認臙脂北地春照影西湖驚晚晚攀枝東閣意逡巡歲闌  
祇有題襟語差覺紅爐雪點新  
生平未作綺懷詩林下風期寫較宜但覺文君蓉作臉本  
來姑射雪爲肌此身豈合蘆簾住人日依然鏡檻姿成碧  
看朱渾不是難將遲暮減相思

塗抹何如楊用修又疑康節戴花頭餘霞散綺成篇富大  
雪彌天被酒休棄我朱顏如日及看他白眼亦風流此情  
端屬陳居士顏色甯須刻意求

爲林琴南題巴黎茶花女遺事後

曾論懿德回心院西土重生加他鄰事到無聊說因果夫

人汧國定前身

庚子

二月移居水陸街二首示子培

移居數數太無端愛此庭中眾綠團藤架方春篩月朗鵲

巢經歲避風寒

牆外大白楊樹上有大鵲巢

一襟幽思閒拋慣十扇明

窗晏起難衡宇初望君不駐只容攜卷樹根攤

一畝荒園故足窺

故居有荒園納涼最好

不如園裏卽書帷綠苔生

榭宜鋪板汲井當門待插籬借蔭喜分鄰樹美傷根悔把

舊花移落帆黃鶴三年共細菌

或作茵恐誤

寒匏欠夥頤

為人題短衣騎馬圖

怪汝胡然作急裝由來事業老兵強習池賓從應無數祗



覺并州有葛疆

用蘇盦韻送子培時子培有弟余有兄有子均在

北方亂中

別淚從來不浪彈此回端覺徹心酸倉皇烽火傳三月辛  
苦麻鞵累一官避地依人行已老自厓送子反良難更將  
骨肉投豺虎可免磨牙吮血殘

感憤坐庭心見雜草木皆不祥之物作六言五首

袁粲郊野步履何妥門巷屏居蕭蕭悲風時起今我不愁

何如

白楊

少游醉臥其下文長畫裏青青二人抑鬱以死勞生大夢

可醒

紫藤

宋陵松柏無地此樹乃種山陰胡爲漢南有此不待雍門

沾襟

冬青

看汝垂垂花發無恙不減田家我獨兄弟分散豺虎吮血

磨牙

紫荆

淮南小山叢生誰知草木無情牽動長江萬里風聲鶴唳

皆兵

桂

辛丑

作貨幣論一卷刊之戲成示蘇堪

生事紛紛怨孔方求田問舍賴伊強歸山何與江神事要  
敬錢神一瓣香

出門見隔江山色

郭東郭西樵何有山北山南路未無今歲東風真著力居  
然綠意照江湖

蘇堪書來屢以詩老相稱奉調並志感

往日錢蒙叟論詩睨昔賢八閩推許友一老字松圓來往

如吾子風流易浪傳彥昇子培每以陳鄭並稱空憐布衣士頭白未歸

田

贈周彥昇

與君此地過三年一字曾無贈答篇嵇阮形骸殊可略淨

名言說漸無緣移文豈到周居士好句長吟沈下賢子培贈君

句余最喜誦之尚有田園春興在余有躬耕通州之志上澗下溪事由天

哀漸兒

兒在天津學堂亂作住同學袁宅袁有新婦洋  
兵將據焉兒爲說退之兵旋復來開鎗戕兒

冥鴻兩兩將五雛年年翻飛度江湖四雛南來一雛北哀  
哉中鏃亡其軀爾雛不爲稻梁謀胡獨北去天一隅蒼頡  
烏篆世久厭旁行苦記羊皮書孽臣昏妖天下無鬼兵守  
關先張弧桃茆巫祝本無驗以車載鬼紛負塗衆人相驚  
則皆走有足誰繫長趨趨晦冥白日鬼瞰室况有粲者窺  
踣閭爾非道安弓劍徒甯能爲人護孀孤謬思談笑卻羌  
胡哀哉性命戕須臾夷狄復讐聞句吳大夫之寢居大夫  
閭閻塗炭那忍道不自逃匿翻當車吁嗟舉世鬼畫符歲  
糜金錢非區區餘皇屢喪長鬣死魯囚猶脫金僕姑爾非

前驅爲執殳爾非與師峭陵徂爾非溝壑擠中途又非汪  
錡鄰與俱巖牆從井非正命義形於色吁其愚我非棄兒  
以全孤我非初明喪妻孥又非死緩卞都督何用有子診  
與盱我今行將終拮蘆環顧諸雛彌哀呼危邦亂邦動可  
死王涯宅有玉川盧

秋夜讀杜工部孟襄陽詩

豺虎冤魂滯北方東南魍魅亦猖狂一家轉徙空皮骨百  
折乖張有肺腸豈敢妄爲杜工部祗堪歸作孟襄陽尙疑  
疏雨微雲外松月虛窗夢未涼

思歸

買田陽羨願眞違數畝陶江亦未歸海上牧羊公等在

通海

聖牧公司所知多人股者山中種橘老來肥勞生天豈容高枕亂世人  
尤賤布衣文字倘關憂患事姓名粗記已全非

七月余將由家來鄂設菴閣學冒雨乘月兩過別

後奉寄

一年一度到林亭真共攤書就綠陰

君有留客便盤圓石坐借書慣就綠陰攤

句草草歸人如過客寥寥舊雨對開襟荒江月黑籃輿滯

淺渚潮生短櫂臨少待躬耕全性命望衡渡沔是初心

李亦元寄詩一帙屬為評定中湘君望帝二首為

最

眇眇愁余有所思玉谿寄託楚人詞湘君目斷靈旗影望

帝心傷錦瑟詩已續廣陵妖亂志

君著有拳匪傳信錄

更堪元老夢

華悲誰知亭角陳居士客子光陰少捻髭

追悼壽伯福兄弟

國破猶能乾淨死巢傾甯有顧瞻情屈原夷叔空相况三  
百年前黃蘊生  
峭陵風雨二年陰豈有神州不陸沈我比喪明痛十倍寢  
門無淚爲沾襟

聞歌

謝安絲竹能陶寫子野清歌喚奈何兩種情懷原一樣中  
年哀樂併時多

寄丹曾大甥

瀕行送我一長句往復滄江無限情極浦趁潮生又落空

林踏月暗還明山中風物冬逾好客子光陰老更驚種橘  
買田吾縱返恐君蜀道記登程

得愛蒼書有寄

達夫五十始作詩詩名岑李相追隨詩成之日宦亦就淮  
南改鎮天西陲君詩君宦略相類恃貌矜夸齒猶未

君自題小

照云未老倘寄東西南北人知我卜居定何地

題易實甫魂西集戲效其體用魂西二字爲韻

華裾客子過題門几上牛腰束捆存萬里麻屨行在所一  
囊古錦樂遊原堂堂國事西臺哭草草交期北夢言欲喚  
臨川湯玉茗爲君宛轉記還魂

體格唐三十六齊更將五十六評題潼關華岳新高掌林



屋匡廬舊赫蹏令僕黑頭方袞袞才人白下尙栖栖樊南  
甲乙樊川兩肯讓樊山與漸西

日本河瀨長定尊人六十初度索詩

有子能爲季札游觥觥家學想源流高人合住三神島歲

酷如封千戶侯梅蕊先春催把盞樽桑浴日照添籌他年

浮海登堂去潭水應留李白舟

君家業酷

壬寅

鷗鷺一首和太夷野鶴詩

君已盟鷗江水湄我原雁鷺在蘆碕飢中風味鷗能語寒  
裏神情鷺最知片片急湍吟杜甫茫茫笠澤去姜夔無端  
更有誠齋喻爲太夷作詩叙太夷謂風格在誠齋白石之間枉卻東風到此時

臥病旬月子大招飲不能赴實甫枉過亦未能見  
用子大韻視二君子

一室圖書掩古芬下帷終日藥香薰看花把酒虛佳約遣

悶論詩有雜文蝴蝶已圍城北隊白鷗久闕舍南羣謂盟鷗樹

風光竟屬程夫子用周益公句又對江天慰暮雲實甫初來住子大處

疾風甚雨臥寥天戶外聞聲枉集韻音恐然縱有四時最佳

月已多一去不回年重簾燕子瞋如許三請黃鸝語早傳

待過春寒門可出醅釀開盡筍成鞭

雨一首病中作

吾生不與韓蘇同端無人禍皆天窮每行客路必逢雨有  
渡江船偏遇風自疑性情復愛雨誦徧古人雨中語梧桐

疏響生微涼種蕉留荷樂未央西窗夜話臥虛堂人生此  
意非尋常浩然躑躅子瞻歎胡復中夜愁淋浪海棠泥汗  
燕支盡坐效兒女傷肝腸社公之雨秣霏霏潑火之雨秣  
微微疾風甚雨捲地至惟有荆楚此歲時武昌魚白淡如  
飯武昌柳青禿無絲臥寒一月不出戶聽汝威福能作爲  
故山不雨已累月米價日高田未墜子推夷叔可憐人呼  
兒買山種薇蕨

答愛蒼次韻

作詩太似古人詩古人見定驚且泣所幸古人已不見柏  
下長臥如龍螯子詩定復蘇門客放翁誠齋乃平揖君來書語  
豫章自居於曹鄴小能敵大君何急旬月不見黃叔度厚

可徑寸沈約集刻集隨意無不可不必循例像戴笠昔依  
林際春申君君在雲中下蔡邑饒舌作敘踰干言不是豐  
干是寒拾自來武昌悵離索岐亭莫詠煙火溼又非潘生  
作酒店握算持籌與日習何爲一卷貨殖傳手自編排兼  
補葺只思欸乃隨老漁山水綠中歌曉汲

月蝕詩

張籍青盲吾衍眇玉川涕下石遺笑昌黎道德稱大儒劉  
向仲舒自同調荆公獸言不足畏羣起訾警護名教旣云  
有者不宜有從月告凶日何告朱絲營社乃兒戲布鼓雷  
門等齋醮自從漢儒言災異遂啓詩人託謗誚蟾蜍上天  
太清闇蝦蟇出地金色越李妃自與章宗坐江總何如吳

質妙吉凶枉問周內史天道焉知鄭裨竈揚鞭長揖月中  
人陰喜自負敢僭號夜闌插梁不見斗執豕於牢乃神效  
行星世界云有八甯復升恆皆兩曜蝦蟇誰令親烏兔蟻  
蝨何緣效鸚鵡我今不畏月離畢只畏離箕揚沙叫羣豕  
從伊白躡波六鷁蕩我黃頭權我詩不數玉川子亦匪陸  
渾觀野燒

和蘇堪雙清館詩

老去風懷久不提因君回首暫尋思堂堂百事從耽閣碌  
碌雙鬢孰可兒準擬閒情編語錄斬新色界曩游絲齊紈  
尺素狂言在只算清狂抑算癡

秋早作

平生麋鹿性見緣喜無度攜家走四方所至必種樹流連  
生意足喪志聽坐悞此來真四壁無可下鋤處隔牆見高  
梧大葉颯軒翥對窗照書案慰藉勞眷顧吟詩黃更妍聞  
雨稿欲據誰知涼暄貿忽忽復此遇牆頭秋色老牆下蟋  
蟀語江冷楓丹中酒人會當去落葉積空山待汝沒行履

大旱苦熱中秋夜同士可登安徽會館西臺

大火云西徂早過白露節如何炎上氣遠邁三伏烈長空  
絕纖翳沉溼忽已竭皎月到衣裳乃比秋陽潔將毋西印  
度屢告火山裂何人夜半負置此作岨嶸將毋大戈壁倒  
向蒼穹揭黃砂互萬里點水盡斷絕將毋比馬拉山脈撤  
茅蘆將毋壓瀾洋熱流隕四決區區赤壁火死灰那復熱

沈沈寃婦氣遠矣亦已雪試爲呵壁問物理究祥孽徧地  
疋如焚狂走魃未綴排龜競襪穢蠅醜扇瓜腴凡茲蘊隆  
象造自蟲蝗蟹剪爪禱無靈側身修難說茲臺冠武昌茲  
湖環如玦可憐青田田瑣屑變黃篋妙高我不登鳳唼予  
弗屑搗來此相對誰遣坐縲綫胡不反郊居連蜷賦雌蜺  
勁兒書來言數月避疫入城置書村舍爲白螞蟻  
食五大箱皆無完膚者亦一小劫也

糞人積書難登天囊中一年幾餘錢忍飢購書無此事有  
錢豈盡歸陳編不知辛勤幾積累始此突兀陳我前水村  
疫鬼逼人走皿蟲飛穀相周旋蠹魚被奪與螻蟻飽食豈  
亦能神仙兒言糜爛不忍覩如蠅蚋曝膚無完我書固然

飽毒手汝蟻亦復厭老拳藏書不知有何罪往往浩劫遭

顛連區區狼藉僅三篋百不及一方古賢銀杯羽化固可

惜瓦盆盛酒尤堪憐石田已失甑已破

庚子家人歸里行李失一箱中有宋

硯鞞將不識字真耕田

### 贈馬季立

嶺外談經者吾知馬季良抱遺三傳訂衛道百夫防雪履

穿東郭春衣典草堂詩窮非汝事端爲說詩強

### 臘盡書懷次山谷還家呈伯氏韻寄伯初家兄

玻璃窗外雪作花玻璃燈前梅如豆擁裘圍坐尙畏寒自  
歎年來真老醜懷歸頻歲不得歸何論花前與雁後作官  
可博梁肉肥作客不過蔬筍瘦此中計較最迂拙每向三



公妄叉手同時被舉久節度遠判雲泥敢與友聞名傳命  
使之往請見愆期未遭詬驚身不值五羊皮待詔何心牛  
馬走更令教授助文翁指畫山川我何有柴門風雪聞歸  
人頗似去官湓浦口賊中辛苦三年來衣袖差強露兩肘  
喜看投劾棄手版稍恨衰遲脫羈鈕可能種秫五十畝起  
向糟牀自漉酒明歲還家倒酒瓶上下古今誰不朽躬耕  
不終甯高風絃歌不悔非陶公葛亮元亮兩渠儂若不節  
取安適從涪翁謬欲附知己漢相一言皮相耳

癸卯

高郵舟中補酬河瀨長定贈行作次韻

上書嬾作賈生憂乘輿聊同王子猷單舸逡巡辭武漢高

臺迢遞過文游亡秦可信由三戶於越如今是一舟慙愧  
東人期望意停撓尙滯白蘋洲

揚州雜詩七首

詩人垂老到揚州禪榻茶煙兩髻愁猶及花時看芍藥平  
山堂下一句留  
荳蔻微吟杜牧之紅橋腸斷冶春詞最宜中晚唐人筆此  
地來題絕句詩  
斜陽紅向小樓過明月三分占最多若道徐凝詩句惡竹  
西佳處奈君何  
廢池喬木罷吹簫何處波心甘四橋一上平山堂上望山  
真隱隱水迢迢

石遺室詩集卷三  
風亭彷彿半山寺水榭依稀印月潭認取小金山墻子居  
然江北是江南  
月白風清過露筋梅花嶺上鬱孤墳人生如此揚州死禪  
智山光黯暮雲  
清江碧鶴最堪憐縞袂玄裳卽羽仙騎上揚州聲一一問  
誰十萬借腰纏

海上晤汪穰卿以紙索贈詩

與世孳牙汪鈍翁文章流派亦堪雄面存憂色甯關病交  
徧聞人未療窮一第不官殊細故半生多難見初衷五湖  
三畝皆行遜豈判歸耕與寓公

士可舊號菘畦屬余賦詩

春韭人所欣秋菘吾所喜鄂中入秋後下飯賴有此我家  
東海頭海錯紛甘美江魚日入饌味淡不如薺菘也配芥  
笋三傑峙鼎趾襄陽白最佳和糝宜蝦米吾友漢陰人素  
謂肉食鄙故園有此畦自署以爲字我方營歸耕買園枕  
江水閉門非養晦桔槔亦何恥他年倘欲東一過於陵子

答張珍午侍御次韻

玉石俱焚未肯悲一篇良獄記何奇避人騎馬君真贗博  
塞亡羊我自知深語有踰茶醞醞百詩定秃筆枝枝螺江  
衡宇相望處何日歸來訪釣師

再次韻答冒鶴亭刑部

由來秋士最能悲况汝峻嶒骨格奇  
鼻屨請看何物戴撐

犁不道有人知  
郎中才調詞三影  
京兆閨房筆一枝  
豈合雞蟲些小事  
渾如霍霍失鷹師

三次韻答曾重伯太守

渭城唱徹總堪悲  
况汝驚才世所奇  
兩面又千萬里別  
二人早十五年知  
桓伊遜此笛三弄  
吾衍報之簫一枝  
欲識蓬萊深淺事  
只宜重問李師師

次韻答周松孫刑部

微官不作豈蹉跎  
鄒衍談瀛敵孟軻  
偶論錢神來借箸  
頗饒島佛入搜羅  
吾鄉詩壘崢嶸甚  
京國車塵莽蕩何  
周北張南真可羨  
只除蹭蹬竹竿坡

君由庶吉士改官又將改外

再次韻贈琴南

閩南故人林古度燕市故態猶荆軻大文寫定似柏槻佳  
畫投贈過新羅十日數面語未了六年一聚生幾何胸中  
千卷致斌媚須髯如竹隨緣坡

慈仁寺訪松同鶴亭

晨游寶泉河路過慈仁寺聞昔之雙松兵火近已被二沈

子培

子封久嗟歎躑躅不忍至南皮有一老悼惜至三四冒生

顧謂余探訪盍一試入門無寸椽穹碑兩蟲屬參天檜柏  
榆無恙立厥位念彼雙松者甯獨遭此甚果然至後垣尙  
蔭數畝地頗枯偃蓋形半禿夜叉臂老者僅一存二者已  
其次上豐而下殺龍身與常異竚看日移晷颯颯風吹袂  
出城語同遊喜極以愕貽神物在眼前交臂失良易

出城請子封招同君直鶴亭遊葦灣話別  
柳陰如幄待停車小有林亭水一涯宿雨怒添千本葦新  
晴爛放四圍花司勳刻意惟傷別元老何心更夢華不是  
江東菰蘆客行吟誰到日西斜  
次伯兄韻  
山邱零落盡顏回華表誰知化鶴來五載關河拚死別極  
天兵火助詩才對眠恰聽浪浪雨不飲真成兀兀杯博得  
北樓圓月上西風來雁任清哀

又次韻答伯兄

渡海浮江不計回不知還欠幾回來依然風月容舒嘯隨  
分煙波著棄才得句如傳黃竹簟追涼勝吸碧筒杯小園

十築煩鄰里爲護他年羊角哀

肖韓次石湖韻紀積翠寺山樓吟集並送余行次

韻兼呈歿庵閣學

故山多吟朋詩力各精到文潛與石林干莫兩相照文潛  
獨北去驄馬頭方掉相逢日論詩此樂故不小那知負詩  
債南歸愈未了吾宗老斲輪樸屬復工巧聯翩富投贈心  
好口欲笑石林亦先施筐篋惜未倒誓將歸三徑飲水門  
卻掃時願車馬過茅茨村童噪

次伯兄寫別韻

連牀不兼旬論詩無虛日孔門若用詩誰某當入室詩家  
有麟閣勝算誰造膝何期鬼神聽天泣風雨疾哀歌變九



辨騷注待王逸悲哉秋爲氣化入寥天一陶謝逮杜韓何  
處辨原質由來憶弟作絕唱若可必勉和隔坡吟跂踵苦  
無術

次韻答珍午見寄重製

長安事如棋詩人歌當哭何堪沾衣淚重灑登臨日羣公  
一何賢事事爲臣鵠選驥百羣空取材千山禿鼯聲動牀  
側可得幾安宿惟君不量力棟折憂老屋彈劾首權要熱  
官思爛熟新從楚客歸約畧談輦轂得詩雙車渠一慰行  
哥獨金馬迨新亭兩種一沈陸何心慕迦陵祇可吟獨漉  
勗矣沈隱侯勞哉鄭少谷

太息一首送河瀨如侗歸日本

神州於天下八十分居一我生實不辰坐見陸沈日其東  
一帝國自命曰日出近亦新造邦氣體未充實曩者相鬪  
牆謀國本無術遂來露西亞牟利乘蚌鷸責人以蹊田不  
郵奪牛詰嗟我乏謀人貧弱乃無匹萬端待經緯予手据  
以拮百廢當具舉欲汲苦短繙豈知韞匱者寶藏固充溢  
坐茲金銀氣染指甘如蜜自強在尙武原富在戒逸輸墨  
久不作管商殆絕筆不求三年艾何救膏肓疾如君經濟  
學雅抱計然七相從日討論要旨迨織悉竊思挽時局財  
政宜秩秩硬貨定本位紙幣相輔弼中央集散法制限屈  
伸律股券若泉流國事理如櫛求言下徵車謂可陳造膝  
吾謀適不用未必止或尼平生慕鴟夷志豈在簪鞞於國

既不施於家甯遑恤茫茫東海水戰血將淳滴主人不執  
兵纓冠望同室暉臺謀方殷曹社聞謔談吾行爲蟲沙相  
見未可必別酒慘不歡贈策聊一述

兩湖師範學堂日本教習戶野周二郎招飲索詩

經年學舍育羣英今日登堂酒屢傾萬里琴書雙伉儷一

家師範兩先生夫人亦教育家速成業畢科猶隘普及功收國有

氓可惜同仇方禦侮不將袍澤賦偕行

甲辰

送君直歸蘇州並壽其尊人虛甫先生

相知幾文人仲容與伯嚴重伯復君直一面初未覘縞紵  
且十年道阻葭以蒹去年逢曾曹強韻時一拈今年此班

荆談藝樂未厭側聞晏小山家法夙所漸索我填詞圖題  
君珂雪籤維時我婦病藥煙積重簾屢出肘後方病魔遽  
遁潛書扇志奉揚起色照鏡奩周南夢北閒泥君聊滯淹  
誰知長沙仄難駐帷與幃羨君供雲煙藏弄頗不廉物果  
聚所好麈至鰈與鷓一一與寓目靡日之不詹左右紛羅  
列寒具不敢沾言歸書畫船海屋籌正添滄江虹月夜分  
野牛女占心隨鶴南飛引觴願慙慙

滕王閣

依舊西山入捲簾堂堂傑構自深嚴四阿重屋千年制卻  
遣飛甍壓帽簷

百花洲

祠廟亭臺聚一邱，郡人爭上百花洲。偶然打槳如桃葉，且可采蓮似莫愁。

南昌別乙盦太守

去年訪瀟園，今年訪乙盦。老我將息機，趁此行趁還。暮別黃鶴樓，不見頭陀龕。朝臨湓浦水，九派未可探。大姑望宮亭，喚渡睡已酣。爽氣接西山，滕閣浮青嵐。下榻南郡齋，藤架垂毵毵。巨樟青白桐，離立時往參。露臺出其杪，俯見江影涵。凌虛復超然，夜色碧潭潭。取彼四年事，償以七日談。貫此五夜眠，勝過百紙函。哲理我斷斷，羣學公醺醺。坐我節目翁，詩骨聳瞿曇。食我五色瓜，詩味與同甘。局棋罷李遠，去船命劉惔。觀畫撤寒具，說部付白蟬。滄浪四萬錢，壓

杖不可擔連綿一紙書爲覓昇筍籃良會瞥如電別意夙  
所詣願公述祖德持節來閩南

歸宗寺阻雨兩宿望栗里有懷

參天巨木颯涼颺獨有山門徙倚宜  
冒雨出遊天所命亂流竟渡景尤奇  
瞻衡何處松三徑誓墓歸來墨一池  
我是無官有詩者故應延伫起幽思

雨後重過開先觀二瀑布

匡廬山作潯陽派各道澗泉自分界  
青山有似綠衣人紛悅翩翩垂縞帶  
中峰劈成青玉峽見說白龍出其內  
我觀是龍還是劍雷煥張華昔所佩  
延津飛躍去何之還過豐城良其背  
尙餘雙鞘化雙峰夾峙香爐峭天外  
西江詩派

首廬陵自負廬山高爲最臨川南墮與東來雙井雄奇合  
兩大流爲章貢匯鄱陽豎作檻泉雙倒挂道園曼碩兩劍  
峰以外紛紛等曹鄴我來雨前越雨後一見一否觀者再  
定謂銀河落九天炎炎大言供一快彭郎詞與瀑布謠鐵  
崖酸齋亦天籟

三峽澗五言四十韻

匡廬山水窟絕勝故在澗諸澗具可觀三峽吾無閒峰迴  
路初轉岌業石兩岸水行亂石閒步步石作難泝澗行數  
里水石鬪不斷危橋跨絕壑俯視步欲灘澗深窺井闌澗  
窄洞里聞東坡百雷霆子由千乘輦來從三峽人謂可三  
峽冠

坡詩云險出三峽右子由二里至玉淵觀止尤興歎  
記云雖三峽之險不過也

想其凝結初萬石同一鍛嗣經巨靈擘兩扇乃分判隨憑  
五丁鑿奔流遂中串天公喜鑱刻詰屈下巨鏟陡者徒壁  
立峭直眾所憚曲者列圍屏摺疊爲數段互者作垣墉百  
堵誰樹榦兀者屹砥柱突出截滌泚傾者可走丸裂者未  
縱綻所餘鏟下石礪碾墜散漫或梗如門限或架如車棧  
或欹如臥佛或坐如羅漢或柄而鈎鋤或腳而書案平面  
狀削瓜橢圓割破暈如槽復如檣如竇復如盪亂石類若  
此見水卽拒扞况茲澗所會九十九流貫相持奮矛盾相  
搏激冰炭以戈舂其喉以杖叩厥胷井陘軌不方大峴兵  
可按陣圖魚腹排被髮呂梁亂峭陵風雨辟垓下潰圍竄  
日此萬衝撞終古石不爛我今更締觀尙有譬以罕承飲



欵而噓抵齟耳鼻灌煎湯千百沸脹力欲破罐跳躑雨雹  
堅噴薄霜霰散嫩碧瓜瓢鮮雪白乳花粲此澗三十里異  
狀實無算瞿塘灑瀨圖縮本滋可玩

至鹿洞書院

路轉峰迴處蒼松各不羣一溪都見底五老尙橫雲海外  
多奇字山中只舊聞流芳橋上仵水石本清芬

下匡廬宿南康郡齋視葉至川太守兼寄乙盦太

西江兩賢守送我入匡廬放溜催官舫衝泥命筍輿諸峰  
雲際禿眾瀑雨餘舒報道山中勝瞿塘恐不如  
又下陳蕃榻高齋一坐幽溫經談鹿洞觀水憶龍湫山

晴還雨城空夏若秋好官對名郡未沫古風流

雨中登石鐘山

湓浦鄱湖會抱城暮天新雨水縱橫嵌空樓觀臨無地崩  
石風濤齧有聲百尺岳陽殊氣象一邱北固共崢嶸道山  
亭外江如練不見鄉關愴客情

九日武昌曇花林北山登高送文石善餘別文石  
屬題明湖秋泛圖因話故人芸敏侍御及伯初家  
兄舊遊

少日失逢迎相逢各老成滄溟古詩派北海大書名秋色  
圖中老登高別後情鵲華與烏石舊事共崢嶸

送善餘還鎮江時余將去武昌

送別吾無酒臨歧忽有詩連江足風雨四海半瘡痍離合

七年許興亡千古思君治史學有年還山同所願東道尙羈縻

余將赴北京大學堂監督張燮君之招廣雅督部

堅留不聽去且勸作官余辭謝商量累日重違督

部意然於燮君殊負負矣

豈有嶽寄歷落人坐隅立鶴性能馴水鄉頗似孟諸澤久

欲狂歌老此身

一落江湖拾稻梁捉將官裏太倉皇魯連縱黠如黃鶴山

北張羅爾許強

無將六載居停意不及一年東道情此語逼人吾所病可

嗟息壤竟寒盟余在湖北主張督部者六年主端撫部者

一年春閒即欲北去為端撫部留而止故

有首二  
句云云

墜歡廿載補難成  
辜負嚶鳴念友生  
從此長安眞日遠  
出門惆悵大江橫

乙巳

題王捍鄭海東訪學圖

國於日出處舊學我自出卅年圖維新歐化及纖悉嗟我  
乏謀人於野罔求失問官問禮輩近者頗不一王君今學  
人等身積箸述竭來講和文匪舌而以筆奉檄乃揚颿流  
麗看風日彼都富人土五善自秩秩餘事搜善本歸權滿  
縹帙回看所來處海水血淳涵新雕契丹文感喟何時畢  
我歎愛日光山水美無匹行訪我汪倫

謂東人河瀨長  
定家世業酣結

鄰卜衡泌避地得躬耕不學甘無術浮海而居夷太虛本  
一室孟軻稱諸馮仲尼數夷逸

題趙承旨杜陵遺像摹本

六經詩居一稱史已其次史亦窮後工憂患罪文字皇天  
量殊隘予名奪其利熊魚吾安知飛潛豈同氣當時李郭  
儔誰能強易地

避暑往武昌西山半途遇雨二宿靈泉寺歸舟過

赤壁不得上

看梅載酒春殊好高閣松風夏最宜今日我來坡谷地滿

山秋雨叫黃鸝

山多黃鸝

四山蒼翠澗奔瀧喬木生涼暑自降可笑山靈誇好手使

風擘岸雨連江

山僧偏勸少留連為致槎頭縮項鱖動我網魚籃蛤嗜野

蔬常住倍蕭然

買魚未得

寒溪寺廢僧無住九曲亭荒桂不留典午風流如可作桓

公惆悵遠公愁

黃泥坂下水雲深小屋魚舟暗遠林中有東坡眠食地江

山咫尺阻登臨

實甫讀余西山詩先得一句云飽聽寒溪夜雨聲

即以寄示因催其足成之

飽聽寒溪夜雨聲君曾行處我來行催詩更比催租急莫

例重陽雨滿城

喜乙盦至卽送其別兼訊同叔效乙盦體

先生玉兒眞負圖忽穿直轅兔胄趨飗輪神馬高九尺臣  
朔視若鴛蹇驢豈知繞日行三匝漢關未揜天未晡吁嗟  
土偶欲化石何來桃梗聊嬉娛落機濯足有聚訟新羅瞠  
目方如如有入百思承明廬有人稍悔下澤車雞癰豕零  
烏頭耳百廿五種相驅除近聞長安樂易居出門西向疑  
胡盧天驕流落滿江湖吾亦缺舌問三蘇

九日寄乙盦

重陽天氣好誰與作登高故國悽鴻雁荒籬遲蟹螯依人  
吾已倦憶弟子無勞亦有欲東意西風首重搔

次韻答伯嚴二首

廬阜東南一太行扶輿元氣久深藏徐陳不作憑誰繼虞  
揭而還覺汝強滾滾沅湘流涕盡栖栖江漢鬢毛蒼題襟  
贈縞酸寒否待轉風輪竅土囊

東冶亭邊字數行誰知懷袖卻收藏聞聲廿載纔今雨把  
臂千秋幾古強河嶽殷璠看落落海山表聖說蒼蒼雁聲  
悽戾西風裏詩榻離披冷隱囊

文石次伯嚴韻枉贈並疊韻寄輓伯初先兄奉答

二首

聯翩佳什十三行富我年來篋衍藏會合朋簪千里外流

連文酒一秋強博聞多見過歐趙訂墜鉤沈冷雅蒼余少日治

許鄭之學君除是銷聲歸賣藥下簾聊復託青囊

過爲推許



八月西風斷雁行  
毀車誰與問行藏  
苦吟書客李昌谷  
墜淚詩人劉棗強  
故國關河榆塞黑  
他年夢想楚山蒼  
交期淡蕩蕭疏迹  
嫻共侏儒飽一囊

與黃小魯兵備同日宴客客同者伯巖文石實甫  
子大重伯理初因移尊小魯山樓且合席焉小魯

即席有詩次韻

半天樓閣似浮槎  
載酒來遊願不賒  
送別登高霑白露

伯送

嚴別合尊促席借黃花  
羣公冠蓋多三楚

主客共十三人 湖南北居其九

省車書各一家

同治後各省有官書局文石近主鄂局今

君及伯巖理初皆籌議鐵路者  
待看長房真縮地  
不妨聚散屢搏沙